



6

20-1

1



6-20-1-1

Officina Germanica S. D.

GVILIELMI
BECANI
E SOCIETATE IESV
IDYLLIA
ET
ELEGIAE.



ANTVERPIÆ;
EX OFFICINA PLANTINIANA
BALTHASARIS MORETI.
M. DC. LV.

SERENISSIMÆ
CHRISTINÆ,
SVECORVM,
GOTHORVM,
VVANDALORVM
REGINÆ
FELICITATEM
GVILIELMVS BECANVS
SOCIETATIS IESV.



Ἰζημαι ᾧ τίνι θνατῶν κεχα-
ρισμῶος ἔνθω .

Συν' μοῖσαις χαλεπαὶ γῶ
ὁδοὶ τελέθουσιν αἰοιδᾶν

Μουσάων , ἀπάνθυθε Διὸς μέγα
βουλεύοντος.

Sic olim Bucolicorum princeps *Idyl. xvi.*
Theocritus. Sed fuerint ad Hie- *Hieron,*
ronem *sen Cha-*
rites.

*Plutar-
chus in
simulâ.*

ronem Regem difficiles Musis
viæ, Tibi, Regina, gratus aduenit,
quem illæ comitantur. Ipsa Tu
eas colis, & quæ infra Te regna
esse duxisti, studia complecte-
ris. Sic olim inclytissimi Re-
gum bonas artes coluerunt;
quasi tum folio digni, si scientiâ
eminerent. Aiebat Alexander,
illâ se malle, quàm potentiâ præ-
cellere: vtra Tibi potior, minùs
dubium. Augendæ potentiæ ille
immortuus: Tu, quam nacta
eras, dimisisti. Aliena ille in-
uasit: Tu ne tua quidem reti-
nuisti, regnandi satura, cùm
adhuc scientiis inhies. Ipso in re-
gno studuisti non tam regere
multa, quàm scire; tota in lit-
teris,

teris , cùm dignissima litteris
gereres, Præter linguas, quibus
omnem ferè Europam alloque-
ris, cuius adyta disciplinæ Tibi
non perspecta ? quis inter Græ-
cos Latinósve bonus Auctor
non lectus ? tantum otij curæ,
quibus alter par non esset, Tibi
reliquerunt. Cùm omnia age-
res, quasi vacuâ studiis Te da-
bas . Ita Numini gubernare
mundum non labor , sed boni-
tas est : ita sempiternæ menti
summa felicitas sua scientia, vi-
uere intelligere est. Mutasti vi-
tæ statum , non vitam . Quæ
fortunæ erant, deseruisti : quæ
tua, seruas. Eruditos , vt prius,
in pretio habes, & eruditorum

fobolem libros. Quos alij Prin-
cipes ostentationis , Tu erudi-
tionis gratiâ collegisti . Non
alius thesaurus Tibi carior. Poë-
tas in primis æstimas , qui sicut
Tu maiestatem comitate , ita
sapientiam venustate condiunt.
Aridam incultamque doctri-
nam vel sæculi vitio quidam
ament , vel suo ; Tibi , veterum
exemplo , ea placet , quæ non
minùs elegantis floreat , quàm
rerum notitiâ fulciatur. Ævo
tuo maior es. Vti moribus , ita
eruditionis genio perfecti ex-
emplum temporis repræsentas.
Quid, quòd cum animi tui do-
ribus poësis congruit ? Diuina
est. Inde olim oracula non nisi
carmine

carmine prolata. Inde ingeniosi homines ipsis cælorum orbibus concentum tribuere, quasi cantu & carmine teneri cælitum sit. Quid, quòd optima vitæ præcepta carminibus ferè intexta sint? Te certè quantùm à vitiis natura disiunxit, tantùm cum virtutibus illa studiorum ratio sociauit. Cum scientiâ vitam æquas, doctior dubium, an melior. Voluptates, & luxum, honesti pestem, odisti. Quasi non nisi mente constes, adeò corpori parùm vacas. Cetera, quibus sexus tuus ducitur, tantùm abest vt æstimes, vt ne noris quidem. Sed mihi nomen tuum non celebrare,

verùm vsurpare , si finis , mens
est , illoque libellum meum Le-
ctori commendare. Non sper-
net hunc , vt illud videatur æsti-
mare. Placebunt quæ Tu be-
nignè aspexeris. Ab oculis tuis
lucem accipient, quæ de se neg-
lectum & tenebras mererentur.
Quod elegantia deest , tutela
supplebit.



ELE-

ELEGIA
DE REGNO
A SERENISSIMA
CHRISTINA
SVECORVM
REGINA
DEPOSITO,
EIVSQUE IN PACEM
STVDIO.



*VI modo Christinam nec regia sce-
ptra tenentem,
Nec dantem populis pristina iura
vides,*

Falleris ex illo motam si culmine censes,

Quo nuper terris suspicienda fuit.

Altiùs euexit sese, dum summa reliquit.

Auxit, quo visa est se spoliare, decus.

*Nancisci regnum, minus est quàm ponere. Sortis
Nancisci, magna ponere mentis opus.
Et genus, & faciunt, ut nanciscare, parentes ;
Omnis, si ponas, laus tribuenda tibi.
Carolus Austriades posuit. tam grande, nouúmque
Exemplum terris Belgica nostra dedit.
Post victos reges, post mundi extrema subacta,
Hac illi de se palma relata fuit.
Herois Christina premit vestigia tanti ,
Nec curat tritâ regibus ire viâ.
Cúmque nihil Carolo maius, quâ possit haberi
Maximus , hac illi proxima parte fuit.
Ille satur rerum poterat laudúmque videri ;
Implerat famâ solis utramque domum:
Flore vicens aui , dum mentes acrius urit
Gloria, se regnis exuit illa suis.
Carolus extremos successibus auctus ad annos
Vlterius vix quò progredederetur, erat :
In medio cursu rerum ac splendore suarum
Destitit illa viam, quam dabant aura , sequi.
Sceptra gerant alij fama adiumenta paranda ,
Splendorémque sui nominis inde petant :*

*In decus ipsa suum sibi sufficit: ipsa theatrum,
Materies laudum est ipsa futura sibi.
Spernit, emi pretio quouis benè quæ putet alter:
Regna nihil dignum, quo teneatur, habent.
Nec tamen exempta est magnorū ex ordine regum
Nec petit hos inter non sibi iure locum.
Regia res virtus. regnat qui præditus illâ est,
Plûsque aliquid, possint quàm dare sceptrâ, tenet.
Regia res animus rerum contemptor, humumque
Exosus, liber, sufficiensq; sibi.
Esse putes regem, cuius plebs audiat omnis
Inssa, cupidinibus seruiat ipse suis?
Quem frangat luxus, dolor abruat, asperet ira,
Ambitio dominum non sinat esse sui?
Esse putes regem, fortuna qualibet aurâ
Qui ventis acta more feratur aqua?
In solio curas humiles qui verset, & uno,
Quàm populus, studeat celsior esse loca?
Rex ille est, quem sceptrâ super iuuat atque coronas
Alii humanis exseruisse caput.
Casibus, & sorti quidquam debere recusat;
Nec tum, cùm deerunt cuncta, futurus inops.*

Subdere

*Subdere se vitis nescit, collumque pudendo,
Instar habet lethi, supposuisse iugo.
Hoc sibi dimissa regnum Christina coronâ
Vindicat: hoc nullo depositura die est.
Parcite prima manu mundi qui sceptrâ tenetis,
Hac nulli vestrum cedere parte cupit.
Quin gradus est illi, quod vobis culmen honoris:
Sub pedibus, quo vos suspicit orbis, habet.
Vos ostro fulgere iuuet, solioq; sedere,
Et populum vestros ante videre pedes:
Vos iuuet imperium terrâ proferre marique:
Vestra triumphatus sub iuga mundus eat:
Cetera dimisit, sibi se Christina reliquit.
Hoc satis: hoc uno maxima regna tenet.
Vesper ut à vobis leges expectet, & Ortus:
Latius illa domi, quo dominetur, habet.
Pro quo certatis, pro quo conuellit orbem,
Diraq; suscipitis bella, dat illa sibi.
Pectus inexpletum vobis: nil deficit illi.
Mens bona sunt omnes, quas sibi poscit, opes.
Addere vos partis; amat illa relinquere parta:
Mutua vos rapitis: deserit illa sua.*

Tum

*Tum quoque, supremas rerum cùm flexit habenas,
Quasq; datis leges gentibus, illa dedit,
Cùm tenuit terras, Pontus quas frigidus ambit,
Suppositasque sibi Manalis vrsa videt,
Florentis regni, fortunatque per illam,
Quid, prater curam, credidit esse suum?
Vt modò regnandi procùl est, procùl. antè libido
Abfuit: hoc alijs, non sibi gessit onus.
Illius est, solis modò quòd non polleat armis,
Sitq; fero tantùm Suecia Marte potens;
Quòd cultum & mores miretur, opesq; suorum,
Atque artes, regio queis viget vlla, colat.
Illius est, primis quod cum regionibus Arctos
Certet, ab ingenio dissideatq; suo;
Facta quod Europa sit pars illustris, amicam
Quam regum quiuis optet habere sibi.
Nec populo contenta suo fecisse benignè,
Complexa est curis extera regna suis.
Cùm foret assuetus palmis exercitus illi,
Sponderent belli non nisi fausta Duces,
Militibus campos compleret, classibus aquor,
Pax placuit, pacem Rhenus & Albis habent.*

Fulmen

*Fulmen erat belli genitor ; cùm posset eâdem ;
Quarere diuersâ maluit arte decus.
Atque utinam quâ nunc Germania gaudet, eâdem
Numina permittant nos quoque sorte frui !
Nulla salus bello , redeat pax optima verum.
Splendidior nullus pace triumphus erit.*



F A C U L T A S
R. P. PRÆPOSITI PROVINCIALIS
SOCIETATIS IESV.

Ego Thomas Dekens Præpositus Prouincialis Societatis IESV in Prouinciâ Flandro-Belgicâ, potestate ad id mihi factâ ab admodum R. P. N. Præposito Generali Goswino Nickel, facultatem concedo, vt P. Guilielmi Becani Societatis nostræ Sacerdotis Idyllia & Elegiæ, eruditorum ex eâdem Societate nostrâ virorum iudicio probata typis excudantur. In cuius rei fidem literas manu meâ subscriptas, & figillo officij mei munitas dedi Mechliniæ xxv. Augusti, anno M. DC. LV.

Thomas Dekens.

· APPROBATIO CENSORIS:



QUOD aiunt quidam & nascendo poëtas fieri, & amando, utrique ingenium & elegantiam poëseos suæ debet P. Guilielmus Becanus Societatis IESV Theologus. Siue eius Idyllia, siue Christi infantiam, siue debitam Augustissimæ domui Austriacæ venerationem spectes, ubique poëta est, ubique ingeniosus, cultus, pius. Quare meritò lucem videbit hic libellus, ut ex eo lector & elegantiam & pietatem hauriat. Antuerpiæ XXVI. Augusti, anno M. DC. LV.


T. Voochts, S. Th. L. Canonici & Archipresbyter,
lib. Cens. Ant.



GVILIELMI
B E C A N I
E SOCIETATE IESV
I D Y L L I A
S A C R A.



VIRGINI
MARIAE,
DEI MATRI,
POETARVM PRINCIPI.

ATERE, Magna Mater,
huius adscriptione titu-
li non tibi , sed iis ,
quorum te principem
voco , commendationem acce-
dere . Carminis studium inter
maiorum suorum decora Sira-
cides ponit. Ab illo summis he-
roibus , sicut ab imperio bene
gesto, laudem accersit. *Laudemus*, Cap. 44.
inquit, *viros gloriosos, & parentes*
A 2 *nostros,*

Cant. 4.

nostros, &c. imperantes in presenti populo, &c. in peritiâ suâ requirentes modos musicos, & narrantes carmina scripturarum. Benè habet. Consultum est poësius existimationi à tantis cultoribus; sed inde honoratior, quòd inter illos tu censeris. Quis se dignam non putet, quæ te decuit? quis inutilem censeat, quam tu ad vsus maximos; hoc est, ad diuinos in te fauores celebrandos adhibuisti? Alibi verborum parca, vno in carmine facunda es. Alibi *sicut vitta coccinea labia tua*, quia verecundo silentio colligata; hîc *fauns distillans* sunt. Cedit poësi tuæ quidquid alij panxerunt. Vsq̃ue adeò nihil in te mediocre. Supra omnes

nes à Deo euecta, sublimissimè illum effers, quàm, dum loqueris, modesta, tam, dum canis, grandiloqua. At profanatur à multis ars, quæ religioni tuæ deseruiit. Sic est. Qui diuinos se vates, Deoque plenos dicunt, nihil minus, quàm sunt. Plures periculosè blandi, animos dum mulcent, inficiunt; nusquam magis culti, quàm vbi noxij. Quàm vellem istis nequitiae suæ poëtis gratiâ & venustate non cederent ij, quibus tu, quibus filius tuus materies estis. Sed iuuat vel argumento vincere. Non quo paratu celeberrimi, sed quo animo, spectatis. Non augustis tantùm templis, sed exiguis etiam facellis coli gaudetis.

A 3

Studium

Studium vobis pro ornatu est, pietas pro elegantiâ. Elegantiam; quibus est datum, carminibus suis adhibeant; ego in meis pietatem spectavi, de lectoris iudicio securus, si vobis non displicuero.



IDYLLIUM I. IOSEPHVS.

Argumentum.

*Iosephus puerum IESVM Herodis furori
 subtrahit, & in Egyptam fugit, Patriar-
 cha olim Iosephi sedem.*

A D

LVDOVICVM DE ROMER,

Cum ei ædem in valle B. MARIÆ Fa-
 continâ dicaret, consecraretque.



V, dum votiuis adoles altaria flam-
 mis,

Inque nouas sedes, & fulgens mar-
 more templum

Iosephum inuitas, Ludoice, tibi que
 fanere

Cogis, & acceptis maiora rependere donis;

Diuersum in terras alio sub sole calentes

Me meus ardor agit. Iuuat ire, habitataq; quondam

Sancto regna seni, & magnis loca conscia curis

Visere, diuinum quibus olim fouit alumnum,

Depositumque ingens terris seruauit & astris.

Non tamen ut Iudæ domus, & magalia Bethles

Me teneant; quamuis hæc illi patria, quamuis

Se Deus his primum nostros circumdatus artus

A 4

Ostendit

Ostendit terris, & paruo vagiit antro.
 Pastores primi fano videre iacentem.
 O fortunati, quos ipse ad limina custos
 Induxit senior, iamque vbera cara petentem
 Ostendit puerum, & stantem ad praesepia matrem!
 Ille latus paleis & fano fultus agresti
 Accepit latus venientes, donaque turbæ
 Pauperis arridens, primosque admisit honores.
 Quis seruasse gregem, quis noctem montibus illis
 Non cupiat vigilasse? procùl nunc illa voluptas:
 Nunc dulcis pueri petitur caput. Hei mihi, quantus
 Astra ferit clamor! fatalia linquite tecta,
 Dum licet, inque sisus abscondite pignora matres
 Bethlemiz: tuque ante alias fuge regia Virgo,
 Quò Numen, sponsusque vocat. sed & ô! mihi
 longè

Iesseæ valles, nec iam iucunda valete
 Antra. Quis infandam cadem, laniataque membra
 Infantum, matrumque hærentia funera collo
 Spectet, & vndantes infonti sanguine cunas?
 Ibo, & Iosephi profugi comes, exulis exul,
 Per, qui se obiiicient, casus, eiusque, meosque
 (Quo se cumque ferent) sequar indefessus amores.
 Atque vtinam sacræ fuerit seu parua supellex
 Transportanda domus, via seu tentanda, laboris
 Me vocet in partem! sed in illo cardine rerum
 Cui fidat? viden' vt triâ regione viarum
 Abscedat? coniux oculos demissa modestos
 Itcomes. Insequitur cælo plaudentibus alis
 Aligerum formosa cohors, circumque, supraque
 Ambit ouans puerum, siue inter brachia matris
 Gestandus, collo seu pendeat ille paterno.

Fortunate

Fortunate senex, toties modò cuius in vlnas
 Matris ab vberibus tam dulcis sarcina transit,
 Brachia cui nectit tidens, pretiumque ferendi
 Oscula diuinis infigit dulcia labris!
 Fortunate senex, cui blâsas reddere voces
 Incipit, atque illud paullatim dicere nomen,
 Quo vocat æternum nihilo minor ipse parentem!
 Ipsæ te vallesque cauat, collesque supini,
 Quà transis, ipsæ te rupes, ipsa beatum
 Saxa vocant; pondusque tuum comitemque fatentur
 Nosse feræ, & prono venerantur vertice siluæ.
 Quò properas? patulis hîc ficus temperat æstum
 Frondibus, hîc flores, immixtaque floribus herba,
 Hîc torus: hîc molli puerum depone sub vmbra.
 Ipse Parætonias præcurrâ latus ad oras
 Nuntius. Excibo ciues, Memphimque subire
 Delicias terrarum & celi gaudia dicam.
 O felix, nimiùm felix, tua si bona nosti,
 O dilecta Deo regio! redit ille tuorum
 Seruator populorum, his nomen amabile terris
 Iosephus: nec iam attonito nocturna tyranno
 Visa aperit, nec septenos collecta per annos
 Partitur frumenta, famis solatia ditæ.
 Ipsum adèd auctorem frugum, qui gramina campis,
 Qui segetes aruis, qui Nilo sufficit vndam,
 Adducit. Deus, ecce Deus! quem sacra Canopo
 Pristina terribilem, perdentemque omnia latè,
 Fulmina vibrantem, & tonitru videre cientem;
 Nunc trepidus fugit, & teneris vagitibus auras
 Impellit lacrymans, latebrasque & tecta requirit.
 Spargite flore viam, manibus date lilia plenis,
 Et triuiis festas intexite, quà venit, vmbas.

IO GVILIELMI BECANI

Me miserum ! quanto tellus incenditur aestu !
 Ut rabidi soles ! ut nulli hoc aëre venti !
 Ah ! tibi ne noceant infueta, Virgo, calores !
 Ne puero teneros vrax sol feruidus artus !
 Sancte senex, tuus iste labor: tibi creditus infans,
 Infantisque parens: generis tu gaudia nostri,
 Tu pretium mundi, & caelestia pignora serua.
 Nos tibi, nos illo pro munere carmina grati
 Soluemus, nomenque tuum tollemus ad astra,
 Carmina nos; alij solido de marmore templa
 Constituent, & dona tholis ingentia figent.

IDYLLIVM II.

THESTYLI S.

Argumentum.

*Puella rustica post Dei Matrem deserto in sac-
 cello religiosè cultam ibidem expirat, &
 calo transcribitur.*

A D

FRANCISCVM MONTMORENCIVM E SOCIETATE IESV.

Cum ab eo lyricam Psalmorum Dauidico-
 rum Paraphrasin accepisset.

R Eddite Blandinio calamos in monte relictos
 Pierides : iterum siluas & rura canemus.
 Adsis, & tenui aspira, Francisce, labori.
 Bucolici princeps tu carminis; altera quamuis

Depositis

Depositis modò pleetra iuuet tentare cicutis.
 I felix, quò te rapit entheus ardor, & vltra,
 Quàm Venusinus olor, quàm cursum Pindarus egit,
 Cælo iter affecta. Dūdum tibi Tybris, Apesque
 Terrarum dominæ blando plaufere fufurro.
 Noſtra humiles ſupra non ſurgit muſa myricas.
 Nec tamen hæc ſpèrnit Grudiis celeberrima filuis
 Virgo, cui primas agreſti carmine laudes
 Dixit Bethlemio Paſtorum turba ſub antro.
 Inde illi pecudes curæ, pecudumque magiſtri.
 Theſtylis exemplo eſt, cuius malè cultus agellis,
 Et grex paruus opes olim; nunc addita cælo
 Vota audit, fauſtum agricolis & amabile nomen.
 Viderat hæc collapſum inter dumeta ſacellum,
 Regina Superſum pietas quod priſca dicarat.
 Virginis effigies fractâ ſqualebat in aâ,
 Imbribus, indignum, rapidoque obnoxia ſoli.
 Huc animi mœrens, miſeransque in imagine Diuam
 Aſſiduè veniebat, & aræ aſſuſa, vidensque
 Semicutam, & cultusiam nil niſi ſigna prioris,
 Flebat, & innocuis immiſcens vota querelis,
 Hei mihi! dicebat, quòd non me diuite naſci
 Patre Deus voluit, quòd non mihi iugera culti
 Multa ſoli, multiq̃ue greges in montibus errent.
 Tum tibi fulgenti, Regina, è marmore templum
 Exſtruerem: medio tu ſtares aurea templo;
 Aureus ille tuis infans hæreret in vlnis.
 Dixerat; extergenſque madentia lumina, ſiluam
 Cantu implet, nomenque Mariæ tollit ad aſtra.
 Iuſſerat hoc teneris incifum crefcere ſagis,
 Hoc Zephyros, auraſque, cauas hoc diſcere rupes,
 Hoc matutinas ſecum celebrare volucres.

Quin

12 G V I L I E L M I B E C A N I

Quin & aus fieri simplex, & sumere pennas
 Optat, & hoc omnes cantando ferre per oras.
 Vana voues. Potius decorandi cura facelli,
 Thestyli, te teneat. Quid tum si vile, Deique
 Indignum genitrice? caiam non spreuit, & illum
 In stabulo genuit, quem gestat ad vbera, natum.
 Quid faciat? modò poma suis hærentia ramis
 Fert, figitque tholo: modò de radice reuulsa
 Intexit virgulta, & opacat frondibus aram.
 Adiicit & geminas vario de flore corollas;
 Vna tegit puerum, pueri tegit altera matrem.
 Et, quia, quod donem maius, fortuna negauit,
 Accipite hæc, inquit, manuum monumenta mearum
 Tuque, puerque tuus, Virgo: nam te quoque dicunt
 Exegisse humilem nato cum paupere vitam.
 Fallor? an ille mihi diuinis risit ocellis?
 Et magis atque magis blandos in imagine vultus
 Aspicio? ô vtinam scirem quo munere possit
 Officioque capi! non quidquid protulit æstas
 Formosum in siluis; non vestem, quam mihi Phyllis
 Cum daret, vrbani potes hac certare puellis,
 Thestyli, ait; non ipsam animam donare recusem.
 Ardoris nunc iste mei sit cereus index.
 Ignea vis ceram tenues dissoluet in auras;
 Me consumat amor. Dulce est in amore perire.
 Thura etiam, &, templis qui succenduntur, odores
 Vellem ager hic ferret; totas altaria luces
 Fumarent: sed enim dabit hæc opulentior Ægle,
 Ipsa feram geminos etiamnum impluuiibus alis
 Turturis inuentos celsâ super arbore pullos.
 Hos meus vt frater nido detraxit Iolas,
 Accipi, & dixi, Puerο portabimus illos.

Accipe,

Accipe, care puer, placido mea munera vultu.
 Munera parua quidem pro tempore; sed malè nobis
 Autumnus feras si non affecerit, agnum
 Velleris intacti, sic spondet mater, habebis.
 Agnum Zacharides solitus tibi ducere, quando
 Dulcibus è latebris paruus tua tecta petebat,
 Et tua desertis veniebat ad oscula siluis.
 O nimiùm felix, cælestia stringere colla
 Qui potuit, pueroque puer colludere! felix
 Quem toties tecum amplexa est, grêmioque rece-
 prum

Conscia vestrorum fouit tua mater amorum!
 En erit has etiam puer vt dulcissime nobis
 Delicias facias, nec iam simulacra, sed ipsum
 Te spectem, qualis Superis quantusque videris?
 Intereà sim cura, precor, tibi mutua, quamuis
 Tu Deus, agricolæ quamuis ego filia Mopsi.
 Sic nutrit flammæ, teneroque liquescit amorè,
 Immemor absentisque domus, pecorisque, suique.
 Sæpè greges illi per opacæ deuia siluæ
 Errarent, li non absentis Diua puellæ
 Suppleret curam, custodiretque vagantes.
 Sæpè parens natam serâ sub nocte reuersam
 Increpuit; sed non ea me, quam rere, morata est
 Causa, inquit: lusere aliæ, ludantque puellæ:
 Vota Dei Marti pro te tua filia fecit.
 Illa quidem (gemitumque imo de pectore ducens
 Soluitur in lacrymas) hîc iam despecta, situque
 Fœda iacet, sed non ego criminis arguar huius.
 Quin potius stratam me mors illius ad aram
 Occupet, eque suo defunctam luce sacello.
 Thestylin ad sedes deducat Diua beatas.

Sic

14 G V I L I E L M I B E C A N I

Sic vouet. Audiuit virgo: taciteque, quod optas,
Fiet, ait. Suprema tibi cùm venerit hora,
Me coram aspicias, interque precantia verba
Deficientem animam excipiam, cæloque locabo.

Præsidium quis tale mihi, dum fata vocabunt,
Spondeat! ô ego tum quàm molli fine quiescam,
Te saltem si, sancta Parens, in imagine spectem,
Et fractos oculos in te, mea vita, tuumque
In puerum attollens, nil iam mortale videre
Exoptem, sed cælo inhians de corpore soluar.

I D Y L L I V M I I I .
I S I D Q R V S .

Argumentum.

Inter Dei laudes ad cælum aspirat.

AD IOANNEM SCHEGA
E SOCIETATE IESV,

ARCHIDVCI LEOPOLDO A CONFESSIONIBVS.

Tityre, coge pecus: venit Hesperus. Hîc ego noto
Succedam nemori, laudesque, assuetâq; soluiam
Vota Deo. Par est votis præuertere noctem.

Ibo, & Daudico quæ sunt mihi condita versu,
Ad responsuras meditabor carmina siluas.

Intonsi montes, altæque in montibus umbræ,
Umbrosi nemorum saltus, & pascua, & amnes,
Et pluitæ, & rores, matutinæque pruinae,
Ventorumque leues animæ, nimbiq; sonantes,
Cuncta Deum laudate: Dei sunt omnia munus.
Rebus ab hoc vigor, atque omnis primordia vitæ.

Messibus

Messibus hinc ager est, hinc pomis vilis arbor.
Hinc oleum, & tristes animo pellentia curas
Vina fluunt, læto florescit germine terra.
Terra parens frugum; sed quanto pulchrior illa est
Cælicolũm regio, quam formosissimus ambit
Sol, & inextinctis illustrant sidera flammis.
O Diuũm domus alta, ingentisque aurea cæli
Templa, Dei sedes! O sol, ô candida luna,
Et toties oculis mihi visa madentibus astra,
Aspectu vt rapitur vestro, vt se iungere vobis
Mens ardet! iam nec fontes, nec flumina nobis
Ipsa placent: sordent vestiti gramine campi.
Iam siluæ, præter latebras plorantibus aptas,
Nil, quod amentur, habent. Hinc flendo condere
soles,

Et totas iuuat in questus absumere noctes:
Hinc damnare moras, & euntia tempora tardè,
Et nimium longos, cælo quibus absumus, annos.
Sic olim Isacida: dominae Babylonis ad annum
Sederunt Solymæ memores, longumque gementes
Exilium ignotas turbarunt fletibus vndas.
E salicũ ramis pendebant barbita, venti
Impulsu interdum gemitus imitata suorum.
Chaldaei venere, fero gens barbara cultu,
Quique Tigrim, quique Euphratem tenet accola,
venit,

Venere Assyrij, Medi venere coloni:
Omnes insultant captis, quaque antè iubebant.
Vincula ferre manu, nunc plectra resumere mādant.
Eia agite, & quæ olim, dum starent alta Sionis
Templa, canebatis, depromite carmina nobis.
Hebræis Babylon modulis sonet: en silet omnis
Ripa, silet nullis percussa fragotibus vnda.

Quis

Quis modus externis meditari patria terris
 Carmina? ut inuisi Babylon sibi Numinis hymnos
 Audiat? Hebræos ut rideat impia cantus?
 Hoc Deus, infensus quamuis nunc, hoc tamen,
 aiunt,

Non sinat Isacidis cultus Deus. Ite profani.
 Debentur Solymæ, Solymæ seruabimus istos,
 Quos petitis, cantus: gemitus hæc terra reposcit.
 O Solyma! ô arces! ô sancti culmina templi!
 Exilii que mei Babylon ô tristis imago!
 En erit illa dies vniquam, quæ me quoque reddat
 Dilectæ nimium patriæ, regnisque beatis?
 En erit, ut terris excedat liber, & artus
 Qui regit hos, puro se spiritus æthere condar,
 Calicolas vbi cernat, vbi cernatur ab illis?
 Ah quid non animo, quid non sum corpore passus
 Hac ego spe! quoties intactos, fonte reperto,
 Transiui sitiens latices, & languida traxi
 Membra fame! quoties Cereris pro munere, curæ,
 Et gemitus alimenta mihi, lacrymæque fuerunt!
 Errantem mediis si sol exureret agris,
 Si ruerent densis hiberni nubibus imbres,
 Perfundar pluuiis, dicebam, solibus vrar:
 Tempus erit, cum cælestes inuectus in orbes,
 Altior & pluuiis, & solibus altior ibo.
 Si sine me in molli celebrarent gramine ludos
 Pastores, si me tetricum tristemque vocarent:
 Parcite, dicebam, cælo sperabimus ista,
 O pueri: cælum nobis maiora reseruat.
 Quid, quod nescio quâ cum Phyllida Thyrsis amaret
 Infelix iuuenis, Corydon rideret Alexin,
 Non nisi diuinis mihi pectus amoribus arsit?

Num

Num minus idcirco turgent mihi lumina flotu ?
 Idcirco nostras non audit silua querelas ?
 Audiat vsque tamen: cælum modò lumina spectent,
 Vsque fluant lacrymis. Est quædam flere voluptas:
 Dulcis amarities lacrymarum, ipsæque querelæ,
 Ipsi delectant, qui sunt in amore, dolores.

IDYLLIVM IV.

D A V I D.

Argumentum.

Leone & vrsò casis epinicium.

NASSON, NABOTH, CHELION.

AD FREDERICVM DE MARSELAER,

E Q V I T E M,

TOPARCHAM DE PARCK, &c.

NAS. **D**icite io Pæan, lætasque ad sidera voces
 Mittite: victorẽ lauro redimite Dauidem

Pastores: meruit fieri sibi talia Dauid.

Dauid in aduersum generosior ipse leonem.

Iuit, & ingenti distraxit hiantia nisu

Ora premens, lacerumque cruentâ extendit arenâ.

NAB. Dauidem agricolæ celebrate, & tollite cælo.

Dicite, crescentesque iubete ediscere lauros:

Regnat in vrbe Saul; rex nobis Dauid in agris.

Bellua sæua, ingens, Libani de montibus, vrsa

Intulerat sese campis, stragemque ferebat:

Dauidis confecta manu est. Frustrâ ore cruento

B

Infremuit,

Infremuit, frustra rigidos surrexit in vngues.

Nec pugnaturus clypeum tulit ille vel hastam;

Tela fuere manus, inuicti tela lacerti,

Et virtus animi telo violentior omni.

CH. Carpire, securi modò carpite gramina tauri,

Nec vastatorem timeant armenta leonem,

Vt nuper. Iacet ecce leo, rex ille ferarum,

Silvarumque pauor : tabo per colia, per armos

Concreuere iubæ : lauit ater corpora sanguis.

NAS. Pergite oues campis procedere, pergite molles

Tondere in solis, puero duce, montibus herbas;

Cura nec ad caulas serâ sit nocte reuerti.

Vrsus abest : vrsi proprio rubuere cruore

Infecti toties agnorum sanguine villi.

NAB. Ibimus, & lati exuuias, monumenta timoris

Præteriti, pagos circum villasque feremus:

Excipient pompam, tauris ad aratra relictis,

Agricolæ, nec se poterunt explere tuendo,

Mirati rictus, & adhuc à morte timendum

Aspectum, & diris assuetos cadibus vngues.

Cernere erit turbas puerorum, ipsosque sequentes

Cum terrore canes: ibit larratus ad auras:

Omne resultabit strepitu nemus, omne sonabit:

Règnat in vrbe Saul; rex nobis Dauid in agris.

Tum, quæ vicinâ quercus stat maxima siluâ,

Tale sub affixis spoliis sibi carmen habebit:

Villosi caput hoc vrsi, catique leonis

Hæc, ó Pesteritas, paruos tibi tergora Dauid.

CH. Spargite humum foliis, foribus prætexite ra-
mos,

Pompa venit: Dauid princeps & gloria pompæ:

Quid tum si tener est? si primo flore iuuentæ

In niueâ flauos crispat ceruice capillos?
Quanto vrsus vitulo; quanto leo fortior agno,
Dauidi tenero tantum leo cedit & vrsus.
Non validus Sampson, non, primum quos tulit
æuum,

Pastores, quamuis geniti de stirpe gigantum,
Quamuis aërias æquarent corpore cedros,
Certior infirmo pëcori tutelâ fuere.

NAS. O inuicte puer, tibi circumiectus Ephrate
Collis, & intonsus Carmelus, & arduus Hermon
Dant plausum, pulsæ referunt ad sidera valles:
Regnat in vrbe Saul; rex nobis Dauid in agris.

NAB. Arboribus vites decori sunt, collibus vitæ,
Armento taurus, toruio sua cornua tauro:

Tu decus omne tuis. Te postquam cæde ferarum
Perfusus, & geminum siluæ videre cadauer,
Venit honor filius, stetit omnis pulchrior arbor.

CH. Viribus his alias, age, nunc circumspice pugnæ.
Nunc limos audire iuuet: nunc fortia bella
Aggredere, atque ipsos in prælia posce gigantes.

NAS. Audeat arma manu quisquis te sumere contra,
Næ de se coruis dabit ille voracibus escam.

Atque vtinam nobis tantum ex hoc suppetat æui,
Tantum oris, quantum sit erit tua dicere facta!

Non tali Gedeon, non tali carmine dictus
Nunniades fuerit: vincet tua gloria præcos,
Vt corylos ilex, myrtos procera cupressus.

Iam nunc Allophyli, Madian, Arabesque, Syrique
Responsis horrent Diuûm: tremat omnis Idume.

NAB. Interea textam de lauro fume coronam,
Et palmæ ramum pro tempore: quæque coloni
Parua ferunt læti, tu lætior accipe dona.

20 G V I L I E L M I B E C A N I

Ecce tibi calathis legerunt lilia plenis
 Martes atque nurus: Tyrios potura colores
 Vellera Bethlemiæ certant tibi nere puellæ.
 Mittit mella Thabor: Libanus tibi spirat amomo:
 Ducit in Engaddi tibi montibus vua colorem.
 Sed neque de terrâ missum Galaditide munus
 Aspernare, pedum nodis atque ære decorum;
 Quod dedit Obededon, & cùm daret, Hoc manus,
 inquit,
 Ista gerat, quæ semesam extorquere leoni
 Non timuit prædam, faucesque inuasit hiantes;
 Digna manus sceptro. Sed sunt sua sceptrâ Sauli,
 Et quâcumque volet regnet sublimis in vrbe:
 Regnat in vrbe Saul; rex nobis Dauid in agris.

I D Y L L I V M V.
 MOYSES EXPOSITVS.

Argumentum.

Infans à matre expositus Nilo committitur.

AD PETRVM VANDER BEKE,
 IN PROVINCIALI FLANDRIÆ SENATV REGI
 CATHOLICO A CONSILIIS.

O Ppida sint aliis; campi mihi ruraque curæ.
 Flumina me teneant: tenuerunt hæc quoque
 Moyfen,
 Et vitam & nomen, fluitans in gurgite summo,
 Debuit his olim: fluitantem gurgite summo

Musa

Musa refer Moysen, primus qui pangere carmen
Instituit, tenuique gregem mulcere cicuta.
Iam fetum Rachobeta suum sub luminis oras
Ediderat, iam mater erat, sed pœnitet esse:
Et mallet nullum, quàm, quem seruare tyranni
Iussa vetant, natum. Quantò formosior infans,
Tantò maiori prœmitur luctuque, metuque.
Ergò perire sinat, vitæque in limine primo,
Quem peperit, mitti pariatur piscibus escam?
Idcircone decem tulerit fastidia mensûm,
Et fuerit duro partus defuncta labore?
Nil Pharaon inbeat crudelius. Vt graue tandem
Cesset opus laterum, cessent impiria lora,
Et scuricæ, & fustes; instat fors durior illis.
Ipse puer quouis magis exactore fatigat
Infaustam nimium matrem. Quodcumque moueri
Audit, qui sobolem rapiat, qui mittat in vndas,
Aduentare putat: nec quid fugiatque, petatve,
Nec quid agat, certum est. Virget rex, regius ædes
Lictor obit: prodit sese vagitibus infans.
Sic, lupo interdum cùm iam ferus ambit ouile,
Balatum ignari tollunt sub matribus agni.
Quid faciat? prætèr questus, solamen inane,
Nil habet in promptu: nec adhuc hos edere tutum.
Rêfne, rogat tacitè, nimij foret illa fauoris,
O Superi, si, qui seruiles crescat in vsus,
Sitque miser mecum, puerum seruare daretis?
O vbi, quem vates nunc expectare iuebant,
Ille sui vindex populi, qui compleat omnem
Prodigiis Memphim, qui terram ducat in illam
Assertos hinc Hebræos, vbi fata beatas
Promittunt sedes, & mella fluentia campis?

B ;

Illius



Illius aduentum, nisi spe nos ludat inani,
 Quàm fuit optandum non hoc præuerrere partu !
 Sic ait, & vano nequidquam fluctuat æstu,
 Atque animum hunc huc, nunc anxia diuidit illuc.
 Cùm tandem: Quod non aliunde, à fluctibus, inquit,
 Speremus; quemque insonoris seruire tyrannus
 Exitio voluit, quaramus in amne salutem.
 Dixerat, & lento fiscellam è vimine textam
 Inducit cerà, ac patientem reddit aquarum.
 Ter puerum immissura fuit: ter victa dolore
 Destitit: haud aliter tumulandum imponeret vr̃ña.
 Postquam pauca dedit tamquam suprema iacenti
 Oscula, flens flentem Superis committit & vndis.
 Vade, ait, infelix (agilemque à litore corbem
 Impellit trepidante manu) fluuioque secundo
 Labere. Si pereas, non me spectante peribis;
 Si sūperis curæ es, quam me tibi ferre negarunt,
 Nilum opem præstet. Nilum sensisse putares:
 Sic substernit aquas, sic summo leniter alueo
 Commissum sibi portat onus. Natat ille pericli,
 Nuper vt in cunis, securus. Fiscina quantum
 Parua vehit fati ! qui sic natat, arbiter olim
 Vndarum legem ponet fluuiisque marique.
 Huius ad imperium decurret in æquora Nilus
 Decolor, & fluctus mirabitur ire cruentos.
 Huius ad imperium refugi maris vnda dehiscet,
 Et vià diducto pandetur sicca profundo.
 • Arduus hinc stabit gurges suspensus, & illinc:
 Securi pedites imis gradientur arenis.
 Tanrùm aliquis, quo nunc agit in discrimine, præstò
 Sit misero, & sortì tribuat superesse fut uræ.

IDYLLIA SACRA. 23
IDYLLIVM VI.
MYCON.
LYCIDAS, CHROMIS.

Argumentum.

*Amorem impurum execrantur; caulestem
commendant.*

AD FERDINANDVM DEL PLANO,
SOCIETATIS IESV
RECTOREM GANDENSEM.

MY. **I**Bam, quâ Grudiis sinuosus Dilia campis
Labitur, & multo conquestit gramine ripas.
Errabant circùm pecudes, porrectaque larè
Pascua mille boues tondebant, mille bidentes.
Dum tacitus Superos veneror, sicut meus est mos;
Ecce tibi subter salices Lycidasque, Chromisque,
Et cantare pares, & respondere parati.
Vt Lycidas contrà me conspicit, Huc ades, inquit,
Care Mycon: non te Chromin'audiuisse pigebit.
Accedo, & socius positus in gramine iungor.
Incipiunt illi meditados dicere versus.
Sic Chromis exorsus: Lycidas sic deinde secutus.
CH. Eheu, quàm pingui taurus macilentus in her-
bâ est!

Vbera quàm referunt Corydoni sicca iuence!
Impius est Corydon, nec manera ferre sacellis,
Nec curat dare vota Deo: Deus illa rependit.

LY. Incolumes pascuntur oues, capraeque Menalca.

B 4

Lac

24 G'VILIELMI BECANI

Lac sub solstitium, lac frigore suppetit illi.

Reginæ Superûm nullâ non luce Menalcas

Supplicat: hæc illi Superûm Regina rependit.

CH. lætat Dâimœtas sibi quæ Galatea locuta est,

Et Superûm ferri demens exoptat ad aures.

At me lasciua capiant quàm verba puellæ,

Experiar rabidi dentes, precor, antè molossi.

LY. Interit indigno Nisæ deceptus amore,

Dicit & in Diuos moriens verba aspera Damon.

At similis quàm me teneat vesania, fiam

Obuius antè lupo desertis solus in agris.

CH. Accipiter nidis, stabulis lupus, improba vulpes

Coribus infesta est; pueris amor atque puellis.

Ah sæue, ah fallax amor, ah mortalibus hostis,

Vt tua lethifero sunt illita tela veneno!

LY. Alitibus laquei, mendaces piscibus hamæ,

Retia cæca feris; homini metuenda voluptas.

Decipit, ac ritu prensatæ elabitur vmbra;

Corda tamen morsu vel sic ferit icta tenaci.

CH. O quibus est primæ, iuuenes, vigor integer æui,

Si studium vobis passim conquirere pulchras,

Vertite ad hanc curas, huic vos addicite seruos,

Quæ peperit Numen: quid enim formosius illâ?

LY. O quibus est florens ætas & forma, puellæ,

Mutua vos si cura tenet, studiumque procorum;

Sit, facite, ante omnes vobis in amoribus ille,

Quem peperit Virgo: quis enim tam dignus amari?

CH. Triste gregi scabies, demessis nimbus aristas,

Florenti ceraso nebula; iuuenilibus annis

Insanissè mihi. Testes sunt pascua & agri,

Quàm crebri ex imo gemitus mihi pectore surgant.

LY. Dulce apibus flores, ver floribus, aura Fauoni

Purpureo

Purpureo veri; nullos experta furores
 Ætas prima mihi. Nec agri, nec pascua norunt,
 Quanta mihi manent ex illo gaudia fonte.

CH. Iam matura mihi vires firmauerat ætas,
 Cùm nil iucundum, nisi quod me perderet, esset.
 Quid volui demens? inter requiescere spinas,
 Dulciaque ex ipsis extrudere mella cicutis.

LY. Tertius à decimo nondum me ceperat annus,
 Cùm desiderijs cœpi cœlestibus vri.

Tempore ab hoc sic ille meo sub pectore creuit
 Ardor, vt æstiuu maturâ luce calores.

Hei mihi, quàm brevis est quæ nobis ducitur ætas!

CH. Vt fugit, inque modum numquam reuocabilis
 vndæ

Labitur! ah miseri! vix paucos fata dederunt,
 Et tamen è paucis multos disperdimus annos.

LY. Hei mihi, quàm longa est ardenti cernere numen
 Vna dies! vt cor illi tabescit in horas!

Non ita purpurei, curuum quos læsit aratrum,
 Deficiunt flores, tactæque vredine messes.

Finierant. Vili cygnos superasse Myconi,
 Quasque nouum volucres audit ver. Tityrus, inquit,
 Vique sibi placeat, seu fagi lentus in vmbra

Formosam doceat resonare Amaryllida filicis,
 Seu dicenda suo (sed quæ legat ipsa Lycoris)

Ad Siculos fontes meditetur carmina Gallo.

Dulcius agrestes alter non inflat auenas,
 Credo equidem: sed quæ cœlestes cantat amores,
 Hæc sonet, hæc nostris celebretur fistula campis.

THYRSIS, DAPHNIS.

Argumentum.

*Aræbus spectabilibus assurgunt ad Deum.*AD IOANNEM BAPT. VAN HOLLANT,
E SOCIETATE IESV.

Campus erat: fons in mediò, quem plurima fagus
Ambit; ad hunc Thyrsis cum Daphnide fortè
sub ætum

Compulerant pecudes, ambo cantare periti,
Ambo diuinis accensi pectora flammis.
Dulcia, Thyrsis ait, ventorum hîc sibila, Daphni,
Dulcia de saxo labentis murmura lymphæ,
Dulcè strepunt volucres; sed vox tua dulcior illis.
Daphnis ad hæc: Quin tu frontem mihi baccare
cingis,

Quando vltura placitum laudas? præconia, Thyrsi,
Hæc tua sunt; te Pierides fecere poëtam:
Errantum tibi nos, quantum vel oloribus anser,
Rauca vel argutis concedit rana cicadis.
Si tamen egelidâ iuuat hîc paulisper in vmbra
Mecum, vel calamis cantum, vel voce ciere,
Experiar quid possim. Age, carmina tu cane prima,
Carmina tu cane prima; tuus canet altera Daphnis.
TH. Ludere si calamis, si vocem soluere cantu
Est animus, sit prima Deus, sit & vltima nobis
Materies, bone Daphni. Regit Deus omnia, terras,
Et

Et mare, cumque suo magalia rustica cælo.

D. Principium rerum Deus est, & terminus idem,
Fatorum dominus, vitæ, quam ducimus, auctor.

Auctori vitæ sua laus, sua semper apud me
Carmina erunt: vos hæc memores ediscite fagi.

TH. Aspicias ut segetes agros, ut gramina campos
Lætæ tegant, lætæ tumeant in vitibus vuæ?

Omnia sunt illius opus: nisi fauerit ille,
Nec segetes veniant agris, nec gramina campis.

D. Aspicias ut torrens modò terris incubet æstas,
Aëris ut vitio pecudes moriantur & herbæ?

Omnia sunt illius opus: si respicit ille,
Descendent pluuiæ, superabunt flumina ripas.

TH. Ver pulchrū, cum se terris noua germina tollunt,
Cum redeunt flores: pomis autumnus & uis

Pulcher: at ut fuerit notus tibi conditor horum,
Nec vernum decus, autumnus nec munera laudes.

D. Pura nitet cæli facies, seu nocte fugatâ

Aurora in roseis effert se lutea bigis,
Aurea seu fetus succendit sidera vesper;

Si ad dominum spectes, iam cælum & sidera for-
dent.

TH. Omnia sol lustrat, quouis diffunditur aër:

At quò nec penetrat sol, nec diffunditur aër,
Præiens Numen adest. frustra fugit, & sua quisquâ
Sperat in obscuris abscondere crimina siluis.

D. Omnia sunt certas sortita ab origine sedes.

Flumina amant pisces, montes animantia, cælo

Gens hominum nata est. frustra hîc sibi conserit
hortos,

Frustrâ aliquis multos vitæ sibi postulat annos.

TH. Terra vale: totus cæli succendor amore.

O quæries

28 GVILIELMI BECANI

O quoties illuc, & quæ suspiria mitto !

Non ita lethali confixus arundine ceruus

Sepositi fontis gelidas aspirat ad vndas.

D. Tytire, balantes audin' in ouilibus agnos ?

Absunt iam nimiùm matres. Absentibus agni

Matribus vt mœrent, vt matres Tytre, quærunt,

Sic absente Deo mœror consumit amantes.

TH. Solus amans nouit, quo claudat funere vitam.

Res amor est violenta; mori nos denique coget.

Atque vtinam cogat! crescet post fata, nec illum

Vincere mors poterit, quamuis mors omnia vincat.

D. Solus amans nouit quâ spe sua tempora ducat.

Quas segetes æstas, annus quæ vina daturus

Senior, in dubio est: fallunt sua sæpè colonos,

Pastores sua vota : Deus non fallit amantes.

TH. Non teneræ ventos coryli, non frigora myrri,

Vinea grandinibus mixtos non sustinet imbres ;

Nec mihi fert tantos animum, quibus æstuat, ignes.

O amor, ô nostras moderatiùs v're medullas.

D. Non pisces saturantur aquis, non rore cicadæ,

Non volucres cantu, nec apes florente saliceto ;

Nec mihi sufficiunt quibus intus amoribus vror.

O amor, ô nostras violentiùs v're medullas.

Talia cantabant pueri, dulcesque fouebant

Pectoribus flammæ, & fletibus ora rigabant.

Audiit, & vitreâ flauum caput extulit vndâ

Pastorum insolitos, Scaldis miratus amores.

IDYLLIVM VIII.
MOYSES INVENTVS.

Argumentum.

*Moyſen expoſitum Merris filia Pharaonis
inuenit, & adoptat.*AD CASPERIVM GEVARTIVM,
CONSILIARIVM ET HISTORIOGRAPHVM
CÆSAREVM AC REGIVM,
ARCHIGRAMMATEVM ANTVERPIENSEM.

BVcolicæ Muſæ, labor iſte nouiſſimus eſto
Rurſus adire Pharon, magnūq; reuiſere Nilum.
Niliaco Moyſen iactant in gurgite fluctus.
Ah, ne dulce caput violentior obruat vnda!
Ah, ne monſtrorum, quæ plurima Nilus in altis
Nutrit arundinibus, puerum ferat æſtus ad antra!
Nile pater, quæ te ſeruato fama per orbem
Hoc infante manet? minus eſt, quod vaſtus & in-
gens,
Quod ſeptemgeminò voluaris in æquora curſu,
Quod per te nullos tellus tua poſtulet imbres.
Sed iam crescentes pronus ſol duplicat umbras,
Et veſperino rubuerunt lumine fluctus:
Noctem ille in mediis deſertus an exiget vndis?
Exacturus erat, regis niſi filia Merris
Auxilium ſæuo melior genitore tuliſſet.
Liquerat illa ſuis vbera comitata puellis,
Grataque fluminea captabat frigora ripæ.

Pars

O quoties illuc, & quæ suspiria mitto!

Non ita lethali confixus arundine ceruus.

Sepositi fontis gelidas aspirat ad vndas.

D. Tyrire, balantes audin' in ouilibus agnos?

Absunt iam nimium matres. Absentibus agni

Matribus ut mœrent, ut matres Tityre, quærunt,

Sic absente Deo mœror consumit amantes.

TH. Solus amans nouit, quo claudat funere vitam.

Res amor est violenta; mori nos denique coget.

Atque utinam cogat! crescet post fata, nec illum

Vincere mors poterit, quamuis mors omnia vincat.

D. Solus amans nouit quâ spe sua tempora ducat.

Quas segetes æstas, annus quæ vina daturus

Senior, in dubio est: fallunt sua sæpè colonos,

Pastores sua vota: Deus non fallit amantes.

TH. Non teneræ ventos coryli, non frigora myrri,

Vinea grandinibus mixtos non sustinet imbres;

Nec mihi fert tantos animum, quibus æstuat, ignes.

O amor, ô nostras moderatiùs v're medullas.

D. Non pisces saturantur aquis, non rore cicadæ,

Non volucres cattu, nee apes florente salictò;

Nec mihi sufficiunt quibus intus amoribus vrer.

O amor, ô nostras violentiùs v're medullas.

Talia cantabant pueri, dulcesque fouebant

Pectoribus flammis, & fletibus ora rigabant.

Audit, & vitreâ flauum caput extulit vndâ

Pastorum insolitos, Scaldis miratus amores.

IDYLLIVM VIII.
MOYSES INVENTVS.

Argumentum.

*Moyſen expoſitum Merris filia Pharaonis
inuenit, & adoptat.*AD CASPERIVM GEVARTIVM,
CONSILIARIVM ET HISTORIOGRAPHVM
CÆSAREVM AC REGIVM,
ARCHIGRAMMATEVM ANTVERPIENSEM.

BVcolicæ Muſæ, labor iſte nouiſſimus eſto
 Rurſus adire Pharon, magnumq; reuiſere Nilum.
 Niliaco Moyſen iactant in gurgite fluctus.
 Ah, ne dulce caput violentior obruat vnda!
 Ah, ne monſtrorum, quæ plurima Nilus in altis
 Nurrit arundinibus, puerum ferat æſtus ad antra!
 Nile pater, quæ te ſeruato fama per orbem
 Hoc infante manet? minus eſt, quod vaſtus & in-
 gens,
 Quod ſeptemgemino voluaris in æquora curſu,
 Quod per te nullos tellus tua poſtulet imbres.
 Sed iam crescentes pronus ſol duplicat umbras,
 Et veſpertino rubuerunt lumine fluctus:
 Noctem ille in mediis deſertus an exiget vndis?
 Exacturus erat, regis niſi filia Merris
 Auxilium ſæuo melior genitore tuliſſet.
 Liquerat illa ſuis vbera comitata puellis,
 Grataque fluminea captabat frigora ripâ.

Pars

30 GUILIELMI BECANI


Pars comitum natos legit inter gramina flores;
 Aut lectos in ferta ligat: pars carmina dicit:
 Illas camporum; tenet has aspectus aquarum.
 Dumque tenet, pronò fiscella allabitur aluco.
 Quid ratis ista feret? quærunt. Ditabimur, inquit
 Regina, & ridet: simul hoc; simul illa propinquat.
 Iam tetigit litus, iam quod cognoscere possit
 Cernit: erat paucis à mensibus editus infans.
 Vagitum tum fortè dabat. Miser, heu! miser, in-
 quit,

Quisquis es, Hebræus certè: miseranda parentes
 Infantumque genus prodit fors. Nec mora: corbis
 Ex undis; è corbe puer, velut vnio conchâ,
 Eximitur. Quales parui pinguntur amores,
 Talis erat: leni suffunditur ora rubore,
 Cetera candidior cygnis: mansere relictæ
 Hic illic guttæ, quales in floribus hærent,
 Qualis manè nouo tenerâ ros lucet in herbâ.
 Ipsa manu propriâ tersit Regina madorem.
 Inde venustatem contemplans oris, & artus
 Lacteos: Quàm non, inquit, mittendus in istos
 Hic fuerat catus! en huc vt brachia tendit
 Arridens! vt me blandis aspectat ocellis!
 Infelix Hebræa, Deus cui gignere talem,
 Nec seruare dedit! sed si pater ista iubere
 Sustinet, & nasci Isacidam pro crimine ducat,
 Quis prohibet nos esse pias? crudelior vt sum
 Fluctibus? vt perdam, cui fluminis vnda pepercit?
 Atque vtinam tali fecissent prole parentem
 Me Superi! sed quod natura Deusque negarunt,
 Hoc tibi debebo, Pietas. genuisse putabo,
 Quem sic seruaro: nec me non matris habebit

Ille

Ille loco, nostro qui non nisi munere viuet.
Viue ergò, & sensim regali nomine dignos
Disce puer mores, nosterque assuesce vocari.
Quam tibi cumque Dij voluerunt esse parentem,
Noster eris, raptusque ex amne vocabere Moy ses.
Dixerat, & puerum regales tollit in vlnas,
Oscula ceu nato libans, matremque vicissim
Ille velut teneat, protensis vbera palmis
Lactis egens quatit. Nutricem filia regis
Hebraidum è numero quatit iubet: aduenit ipsa
Pro nutrice parens: Quemque, inquit, tradis alendū,
O Regina, meus tamquam si filius esset,
Nec velui nutrix, sed matris amore fouebo.
Dicta placent: merces addicitur: vtraque gaudet,
Regina assumpto, nato Rachobeta recepto.
Sed iam musa suos excedit rustica fines,
Nec satis hîc ruri, nec idonea cantat auenz.
Coniferâ meliùs pendebit fistula pinu,
Atque aliis ex hoc numeris tentabimus ire.





G V I L I E L M I
B E C A N I
E S O C I E T A T E I E S V
E L E G I A R V M
L I B E R P R I M V S.

P A R V V L O,
 DEI VIRGINISQVE
 V N I G E N I T O,
 I E S V
 C Æ L I T E R R Æ Q V E
 D E L I C I O.

PŒSIN non vt alias scien-
 tias acquiri vulgò aiunt:
 alias studio comparari;
 ad hanc frustrà niti, quos
 natura eò non ferat: alias vt ramos
 adoptiuos animis inferi, hanc instar
 primigeniæ stirpis ab radice pul-
 lulare:

lulare: nasci poëtas, non fieri. Sunt tamen qui dicant ab amore se factos, nec nascendo sibi, sed amando ingenium venisse. Cur id ego expertus non sum, Puer dulcissime, cum de te scripsi? cur ingeniosum amor non fecit? an usquam magis exerere se debuit? an quidquam amabilius quam tu?

Psal. 47. *Magnus Dominus*, dictum de te olim, & *laudabilis nimis*; parvus factus es, & amabilis nimis. Quem amorem maiestas non obtinuit, benignitas extorquet. Tunc te non amare crimen fuit; nunc etiam inhumanitas est. Potentes erant diuinitatis illecebræ, sed uti magnes maiore vi ferrum attrahit, dum

dum ipse ferro cinctus est; ita postquam humanos artus induisti, hominum corda potentiùs rapis. Præ mortalibus tamen eam vim Superi senserunt. E cælo ad stabulum attracti sunt, & relicto folio tuo, tibi ad præsepe applauserunt. Fortunati pastores, quibus cælestes cantus audire licuit! sed inde feliciores, quòd & ipsi præcones tui fuerunt. Hos æmulari ausus sum, & te carminibus meis materiam facere. Quidni auderem, quando post Cælitum laudes opilionum tibi studia placuerunt? Nec vereor ne tui amantibus nihil prosum. Lignis etiam viridibus, qui iam ardet, fouetur ignis; nec ex hortis

C 3. tantum

tantùm amœnissimis , sed etiam
è vulgaribus pratis apes mella col-
ligunt. Cæli terræque delictum ca-
no, quid de carminis elegantiâ sol-
licitus sim? Artis lenociniis alibi lo-
cus sit ; hîc omnis in argumento
gratia.



ELE-

ELEGIA I.

*Tranſeamus uſque Bethlehem, & videamus
hoc verbum, quod factum eſt. Lucæ 2.*



Tempora noctis eunt diuini conſcia
partus.

Quisquis eſ, ignauo corripe mem-
bra toro.

Non facit ad ſomnos hæc nox. ex-
ſurgite ſtratis :

Candidiora die tempora noctis eunt.

Ipla domus Superûm non ſe tener: arduus æther

Panditur: Aligerûm deſerit aſtra chorus.

Exoritur terris noua lux: ferit aëra cantus

Æthereus: cælum quod ſolet, audit humus.

Nec vigilamus adhuc? ſtudiis nec tangimur iſtis?

Nec pudor eſt, ſi nos lentior ardor agit?

Stirpe ſatus noſtrâ noſtros Deus induit artus.

Gens cæli minùs hîc, quòd ſibi plaudar, habet.

Elſte procul ſegnes: iuuat ire, choriſque beatis

Immixtum volvi Numinis ante pedes,

Et tanto venerandum ortu luſtrare mapale,

Et dare ſacratis oſcula liminibus.

Salue parua quidem, nec magnis uſibus olim

Condiſta; nunc cælis inuidioſa domus.

Non tibi fulgentes vario ſtant marmore muri;

Arte laboratum non laqueare niter.

At, quem non terræ, non terris vaſtior æther

Contineat, ſep̄to clauditur ille tuo.

At tibi naturæ magnus ſe credidit auctor:

Hæc opere ex toto vindicat antra ſibi.

C 2

Nec

Nec qualem cælo credunt regnare, timentque
Mortales, talis sub tua tecta venit.

Inde ciet tonitru, terretque fragoribus orbem :

Præter vagiuis hinc sine voce iacet.

Inde ferit fontes, & noxia fulmina vibrat:

In te fasciis brachia vineta tenet.

Aspirat tenerum, quidquid tu cernis, amorem :

Maestas illic, quo timeatur, habet.

Si beat & Superos, si itigi gaudia cursu,

Si fontes illic nectaris ire iubet :

Tu, fontes alios, torantia lumina spectas,

Primaque diuinis spargeris à lacrymis.

Tu planctus, cælum quibus ipsum commouet, audis,

Vt sua, præque suis vt mala nostra gemat.

Si qualis fuerit semper, quantusque, det illic

Cernere, cernentes assimiletque sibi:

Tu similem nobis, nisi quod sit egentior, ipsum ;

Tu, nostri quid sit factus amore, vides.

Fortunata domus, quam præ te regia sordent

Atria ! paupertas quam pretiosa tua est !

Præ foribus tibi nunc intendat aranea casses;

Pendeat ad crates fordida tela tuas ;

Sit nunc, quam stipulæ, tibi nil opulentius, & quam

Sparsa pavimento quæ iacet herba tuo :

Tempus erit, gentes ad te cùm munera mittant,

Quas sol exoriens occiduusque videt ;

Ipsa caput mundi cùm te colat inclyta Roma,

Et tua præponat montibus antra suis.

Nec fore Iesides hoc non prænouit, Ephratæ

Hæc dum sapè suas ad iuga duxit oues.

Viderat hos humili suspensos fornice tophos,

Et Domini cunis saxa daturâ locum.

O quoties

O quoties illis pia supplex oscula fixit,
 Et sacram flexo poplite pressit humum;
 Quæque suis Numen lacrymis loca spargeret olim,
 Ipse per hæc siccis noluit ire genis!
 O quoties, hoc ne frigus capteret in antro,
 Arcuit exustum solis ab igne gregem!
 Ergo erit, aiebat, desertis Numen ut astris,
 Rupe sub hac inopis matris alatur ope?
 Arbitr ut rerum nostro de nomine dici,
 Dauidisque olim gaudeat esse nepos?
 Fortunata specus, puerum quæ prima videbis
 Quærentem matris colla sinumque suæ.
 Nunc ego te, visent olim populique ducesque,
 Figenturque tuo regia labra solo.
 At tu rumpe moras sanguis meus, aspera quamuis
 Hic tibi sint primus saxa futura torus.
 Rumpere moras: nec te terris ostendere differ,
 Sæpè petite mihi, sæpè petende puer.
 Ipsi lætitiâ voces ad sidera mittent
 Intonsi montes: gestiet omnis ager:
 Fundet humus flores: stillabunt nectare colles,
 Et duræ quercus roscida mella dabunt.
 Audiam, & hæc manes inter me fama beabit,
 Et solvam lætus vota vel inde tibi.
 Dixerat. Audiuit cælo tunc Numen ab alto,
 Exceptum laribus nunc, domus alma, tuis.

ELEGIA II.

Peperit Filium suum primogenitum, & reclinauit eum in praesepio: quia non erat eis locus in diuersorio. Lucæ 2.

Virgo parens facta est: Deus est è Virgine natus:
 Spectatum è cælo turba beata veni.
 Nec te pœniteat formosas relinquere sedes;
 Nunc aliquid noster pulchrius orbis habet.
Qui vobis dominus, nostrâ sub lege teneri,
 Et nostri voluit sanguinis esse puer.
 Spargite purpureos circum cunabula flores,
 Cinnamaque, & tenero balsama mixta croco,
 Et quidquid vestris fouet aura beator hortis,
 Non defecturas ver vbi fundit opes.
 Ver ibi perpetuum: nostro nunc exulat orbe;
 Inque locum nimbis horrida venit hiems.
 Fronde carent frutices: periit sua gratia campis:
 Quo steterant flores, nix iacet atra loeo.
 Atque vñam solæ regiones, sola rigèrent
 Flumina! non animos frigus haberet idem!
 Exciperent homines diuinum pignus, & hospes
 Certaret domini quilibet esse sui!
 Spernitur, heu! tectique venit communis egenus,
 Inque suo nascens non habet orbe locum.
 Ah genus ingratum! tibi celsa palatia surgunt,
 Tecta que diuitiis conspicienda suis:
 Compositum lecto mollis te somnus eburno
 Excipit, & pictâ stragula veste tegunt:

Ad

Ad miserum rector Superûm compellitur antrum;
 Nec quo fessâ toro membra reponat habet.
 Excipit infantem durus lapis; inque resectâ
 De fluuiis vluâ, straminibusque iacet;
 Afflatuque bouis, focique fouetur aselli:
 Hac rerum dominus frigora pellit ope.
 Nate Deo, te longa nouem fastidia menses
 Materno clausum sustinuissè sinu;
 Te nostros sumpsisse artus, infirmaque membra;
 Te patrio terras præposuisse polo;
 Vt tandem in durâ quæras tibi rupe cubile,
 Et pecudes optes inter habere locum?
 Astra vbi nunc? vbi stellatæ, tua regia, sedes,
 Et tot in obsequium millia prompta tuum?
 Nempe amor agresti cælum mutare mapali
 Suadet, & in paruâ te iubet esse casâ.
 Illius imperium plus te, quàm Cæsaris, vrget:
 Fert Cæsar leges gentibus; ille Deo.
 Cùm posses quouis, hoc iussit tempore lucem
 Aspiceres, quo non tristius annus habet.
 Nazareos intra muros sua paruâ parenti,
 Quâ recipi posses, resque domusque fuit:
 Non tibi permisâ est contingere; paruâque quamuis,
 Ampla nimis visa est vsibus esse tuis.
 Hanc rupem ferus ah! hæc maluit antra subites,
 Antra quieturo vix satis apta gregi.
 Illiç paruâ tibi pater incunabula nuper
 Fabrili simplex arte pararat opus:
 Et, Manibus quandoque meis hæc ipse mouebo,
 Communis labor hic, dixerat, vxor erit.
 Hîc illi, cuius vigili stant omnia curâ,
 Nitemur somnos conciliare leues.

Hic

44 G V I L I E L M I B E C A N I

Hîc oculos figam faciem securus in illam,
 Aligeri quam non absque pauore vident.
 Porriget hîc ridens dextram mihi, quamque tenebo,
 Mirabor dominam fulminis esse manum.
 Et inodò blanditias, modò verba precantia dicam,
 Atque illi, quicum lusero, vota feram.
 Tu tua coniunges, Virgo, magnumque stupebis
 Auxilio Numen lactis egere tui.
 Hæc, puer alme, pater sibi promittebat, eratque
 Talis de cunis curaque spesque tuis.
 Ah! præsepe tibi pro cunis contigit istis:
 Huc spes, huc rediit patius ille labor.
 Cur hoc sis passus, causam quis querit? amasti.
 Hæc summa est: hinc lex tam tibi dura venit.
 Eheu! inra tibi iam nunc si talia ponit,
 Subiectumque tuum sic sibi numen habet;
 Si primo crudelis amor te cogit in ortu,
 Quæ numquam fuerant perpetienda, pati;
 Quid faciet, magnis (nec enim mitescere discit)
 Cùm te suppliciis viderit esse parem?
 Care puer, quid post exordia talia speres?
 Quis cursus vitæ sic ineuntis erit?
 Ah! tibi ne subeant aliquando tædia cœpti,
 Nec, tanti, dicas, cur mihi terra fuit?
 Ne nimium caros tibi nos, nimis esse querare
 (Vt sumus) indignos pro quibus ista feras.
 Causa sumus, fateor, tantorum sola malorum:
 Esse sinas miseros, non eris ipse miser.
 Vilis es & nihili, quia nos extollere cordi est:
 Res maiestatem deprimit illa tuam.
 Sed tamen hoc ipso Deus agnosceris in antro:
 Hîc cultum, quem non templa dedere, feres.

Agnitus

Agnitus est terris iam nunc tuus ortus Eois :
 Astra procùl cunis sunt famulata tuis.
 Inde ferent qui sis testantia munera reges ,
 Et sua submittent hactibi scepra specu.
 Præueniet gregibus pastorum turba relictis ,
 Pars melior populi primitiæque tui;
 Teque vel in pannis venerabitur, & tua supplex
 Numina, quâ caperis, simplicitate colet.
 His tua principiis sensim se gloria tollet,
 Et veniet magno fenore dignus honor.

ELEGIA III.

*Inuenietis infantem pannis inuolutum, & pos-
 situm in præsepio. Lucæ 2.*

Divitiis alius fuscis sibi quærat ab Indis,
 Et sua centenis iugera bobus aret :
 Vos inopes parvi, vos fartæ stramine cunæ
 Maiores quantò suppeditatis opes ?
 Inuideo vobis, pueri quæ stringitis artus,
 Fasciolæ. Cur non hac ego sorte fruor ?
 Quem gremio præsepe tuo complecteris, vlais
 O quantò meliùs pendeat ille meis !
 Vile quidem lignum es : sed, cùm tibi pignora
 calum
 Tradidit hæc, quis det, tu quod es, esse mihi ?
 Quid loquor ? ah! egon' esse quod es ? egon' artu-
 bus illis
 Duritiem cupiam supposuisse tuam ?
 Ritu ego brutorum natum excepisse Tonantis,
 Sacraque, quæ lædis, lædere membra velim ?

Hoc

Hoc voueant hostes. quamquam quos sentiat hostes
 Paruulus hic ? à me sit procul iste rigor.

Atque vinam intranti nostrum licuisset in orbem

Instruere arbitrio tecta torumque meo !

Alta cedro starent , Pariisque palatia saxis,

Qualia regalis non videt vlla Sion.

Quas premeret cunas, opus Indi dentis, obiret

Purpura, gemmarum pingeret omne genus.

Eminus adstaret vigilum custodia; quales

Ambiuit thalamum, nate Dauide, tuum.

Quod si me seruos inter censere minores,

Postremumque suæ vellet habere domus,

Essem, confiteor, quouis præ rege superbus,

Et caperem fastum non satis ipse meum.

Seruitij merces ô quàm mihi magna daretur,

Si possent illo lumina nostra frui !

Quàm vigilem , quàm me nonnumquam visus
 haberet

Intentum obsequiis nocte dicque suis !

Dormiret ? ne quid posset turbare soporem

Cutarem: foret hæc & mihi cura quies.

Nil vigil aspiceret, quod non vidisse iuaret:

Auribus acciperet non nisi læta suis.

Quid sicæ frondes, quid sint, nesciret, aristæ ;

Quid gelidi lapides, & sine veste solum.

Tota domus nardi, succoque maderet amomi:

Qui stabulis afflat , quàm procùl esset odor !

Quàm procùl vt sordes , quàm sit procul inde re-
 motus ,

Vt videat matri proxima bruta suæ !

Frigus vt hibernæ cum ventis sentiat auræ,

Nec sit qui paruo luceat igne focus !

Vt cunctis egeat, cuius sunt omnia donum ;
 Vt, per quem læti degimus, ipse gemat !
 Auditis ? teneris totum vagitibus antrum
 Personat : & gemitus vox quoque prima Deo est.
 Virgo parens flenti turgentes siccatur ocellos ;
 Et lacrymis, cheu ! spargitur ipsa suis.
 Parce puer, quibus hanc crucies, dare signa doloris :
 Aptior adueniet planctibus hora tuis.
 Tempus in hoc illos differ, dum, quod modò pun-
 gunt
 Stramina, diuellent flagra cruenta latus.
 Dum crux præsepi succedet; sanguis, & ipsæ
 Pro pannis plagæ dum tua membra regent.
 Incipe nunc dulci matrem cognoscere risu :
 Incipe virgineo velle sedere sinu.
 Molliter illa suis compressum stringat in vlnis,
 Et ducat blandas cara per ora manus.
 Et modò blanditias leni tibi murmure dicat :
 Et modò det roseis oscula multa genis.
 Oscula quæ stabuli brumæq; incommoda pensent,
 Oscula quæ cælo te petiisse iuuet.

ELEGIA IV.

*Pastores erant in regione eâdem vigilantes,
 & custodientes vigilias noctis super gre-
 gem suum. Lucæ 2.*

Pastores ouium, cælo gratissima pubes,
 Assuetum campis, innocuumque genus,
 Vt gregis hæc vobis custodia numine fausto
 Obtigit ! ut præmium grande laboris erit !

Cernitis

Cernitis Aligerum lætos per inanē volatus?
 Æthereo quantus splendeat axe nitor?
 Cernitis, in terras ut cæli regia migret,
 Et nostro dominum quærat in orbe suum?
 Illum iam vobis natum Datidis in vrbe
 Iessæis virgo regibus orta fouet.
 Ite, sacros partus, demissaque pignora cælo,
 Cumque suâ puerum visite Matre Deum.
 En vocat æthereum festis concentibus agmen,
 Quaque vocat, radiis lux noua signat iter.
 Nec quemquam, quod sit vilis, quod rustica, tardet
 Sors sua: nec pudeat, turba quod estis inops.
 Non auro, non ille iacet spectabilis ostro:
 Non licet clausas excubat ante fores.
 Adstabant cunis (cunæ præsepia, panni
 Velamen, lectus canna palustris erunt)
 Adstabant cunis, puerumque animalia cingent:
 Custodes habet hos corporis ille sui.
 Cetera conueniunt: absint genitricis amores.
 Sedulitasque, nihil, quo recreetur, erit.
 Parua licet fuerint, tamen esse videbitis illi
 Præcipuas, quæ vos dona feretis, opes.
 Lac tepidum, passas Engaddi collibus vuas,
 Defruta, & in ceris condita mella suis,
 Quaque parens teneris substernat vellera membris,
 (Hei mihi! læserunt stramina molle latus)
 Excipiet gaudens, & quo fugat æthere nubes,
 Vos illo aspiciet leniter ore puer.
 Vestraque brachiolis complectens munera paruis,
 Quâ poterit, matri porriget illa sua.
 Heu pietas! vix sacra pedem sub tecta tulere,
 Et tergit lacrymas (fleuerat antè) puer:

Seque

Sequē salutantes vultu ridentē salutat,
 Quodque Deum prodat, spargit ab ore iubar.
 Deproperant illi tenui munuscula cultu,
 Procumbuntque solo, concipiuntque preces.
 Atque aliquis, quidni facilis pastoribus adsis
 Care puer? fies tu quoque pastor, ait:
 Te nec oues lassas humeris gestare pigebit,
 Nec medicas agris applicuisse manus.
 Non erit armentis leo te custode timendus,
 Tutaque se mediis inferet agna lupis.
 Vbera lacte domum referent distenta capellæ:
 In pratis aries vellera tincta geret.
 Pabula sufficient steriles iucunda myricæ,
 Crescet arenoso fertilis herba solo.
 Eia age care puer: tecum noua nascitur ætas,
 Primus ab integro temporis ordo redit.
 Ferrea deficiet, toto gens aurea mundo
 Surget: iustitiam quælibet ora colet.
 Te duce, si qua manent sceleris vestigia nostri,
 Irrita nullius causa timoris erunt:
 Tu noua progenies cælo demitteris alto,
 Occlusamque diu pandis ad astra viam.
 Eia age care puer, magnum patris incrementum,
 Cara Dei soboles, noster & orbis amor.
 Aspice, venturo latentur vt omnia sæclo,
 Vt pax nascenti rideat alma tibi.
 Horrida iam positis mitescent sæcula bellis:
 Iunget amor populos: otia mundus ager.
 Nec rastros patietur humus, nec vinea falcem:
 Sponte sua campos mollis arista teget.
 Aurea mala ferent quercus, rubus asper amomum,
 Alnus narcissos, & saliuca rosas.

D

Occidet

50 GVILIELMI BECANI

Occidet herba nocens, perdent aconita venenum,
Staëtea de taxi cortice gutta fluert.

Occidet & serpens, quâ decipiente parentes
Lethalis fusa est in genus omne lues.

Dixerat: applaudunt comites: notat omnia Virgo,
Et pariter tacitâ gaudia mente fouent.

Me miserum! quod non hos inter noctibus illis
Sit mihi seruandi tradita cura gregis;

Nec stabulum, & cunas, positumque in stramine
regem

Eius spectavi pars ego magna chori.

Quod licet, illarum se pascit imagine rerum,
Et stabulum & cunas mens sibi nostra facit.

Ante oculos puerum fingo, puerique parentem,
Ante oculos astringam cum bone stare meos.

Oscula sacratis iuuat hîc infigere cunis:
Hîc iuuat ad teneros procubuisse pedes:

Et pueri dulces, & dulces cernere fletus
Marris, & his visis non retinere meos.

Diuinis oculis vt primùm expresserat illos,
Dixit Amor telis nil opus esse suis.

Proiice tela puer, pharetram depone, facesque:
Iam lacrymæ domini sunt mea flamma mei.



ELEGIA V.

Postquàm consummati sunt dies octo, ut circumcideretur puer. Lucæ 2.

ERgò parùm est cælo stabulum subiisse relicto,
Et nisi de paleis non habuisse torum?

Frigoraque, & ventos, & quidquid cogat egestas,

Quidquid hiems puerum ferre, tulisse Deum?

Ergò diuinis, tot post incommoda, membris

Qui vix ullus inest, sanguis oportet eat?

Saxeus hunc illis cruciatu culter acerbo

Extrahat? ô durum religionis opus!

Cuius ad hoc animus, cuius sat dextera fortis?

Ferreus ah! quisquis vulneris auctor erit.

Ferreus hoc viso, qui non sibi pectora lædi,

Nec pueri pœnas æstimet esse suas.

Ante alios tu te spectaculo Virgo cruento

Subtrahe: sanguis erit, quem dabit ille, tuus.

Tu nati tremulos artus, liuentia labra,

Natiuo roseas absque colore genas,

Tu se torquentem paruasque letamine nullo

Laetantem videas, & patiare, manus?

Subtrahe te: non sunt rigido tibi vincta metallo

Viscera, nec ferri semina pectus habet.

Quid loquor? hæc ipsa est, cultrum quæ stringit,
& esse

Sanguineæ legis dura ministra parat:

Vulnere quæ infami diuinis sustinet artus,

Nataque de membris membra notare suis.

Alma parens, huc blanditiæ rediere priores?

Huc amor, huc animi pignora mille tui?

Quid facis ah? spargas illum modò sanguine, cuius

Pœna grauis, lacrymas cernere nuper erat?

Pande sinum potiùs, sitientiùque vbera præbe.

Ecce puer blandas tendit ad illa manus.

Subiicias cultro, cui cannas ante timebas?

O modò nec nati, nec memor ipsa tui!

O mater iam non mater, sed inhospita rupes,

Sed de Caucaseo monte reuulsa silex!

Crede mihi, nec dura silex, nec inhospita rupes,

Non nati, non est immemor ipsa sui.

Blandiùs infantem numquam tractauit, amoris

Nec tam certa sui, quàm modò, signa dedit.

Antè sinu fouit; tulit inter brachia; strinxit;

Inuoluit pannis, composuitque toro;

Lacte suo pauit; lacrymans lacrymantis ocellos

Terfit; blandita est; oscula multa dedit:

Iam vulnus, sed dat cum vulnere nomen Iesu.

Nil, puero maius quod dare posset, erat.

Hoc præ blanditiis, & præ complexibus illum,

Hoc præ materno lacte sinuque inuat.

Hoc est, quod cælo quæsitum venit ab alto:

Hoc, pretio quouis quod sibi stare velit.

Aligeri manibus tremulis legere cruoris

Primitias, Patri quas pia Virgo litat.

Et lacrymas inter gratum quoque munus obortas:

Hoc, supreme Deus, suscipe pignus, ait.

Quod, nisi de nati tibi corpore gratius esset,

Quàm mallem è venis eliciuisse meis!

Et tamen his etiam venis, hoc corpore fluxit,

Et pars est sanguis sanguinis iste mei.

Sancte Pater, sibi qui restat si filius offert,

Et pretium accepti nominis esse velit;

Sisua vulneribus reddi magis apta ferendis
 Membra, caput spinis, terga latiusque flagris;
 Carnificumque meæ dexteras succedere dextræ
 Optat, & illæsum nil remanere sui;
 Da Pater his hominum manent solatia plagis:
 Fontibus his, quibus vnde inuenitur, eat:
 Nullaque fundendi, fusi pars nulla cruoris
 Non habeat fructum, te tribuente, suum.
 Mortales gaudete. Iubet rata Virginis esse
 Vota, Pater, nati quæ videt esse finem.

ELEGIA VI.

Vocatum est nomen eius IESVS. Lucæ 2.

A Vdistis? puerum mater sua dixit Iesum.
 Quisquis adest, flexo poplite tangat humum.
 Sternite vos alto venientes æthere turmæ;
 Et quas damnatis Styx tenet æra locis:
 Ante omnes, quibus illud erit magis utile nomen,
 Corpora mortales sternite vestra solo.
 Cernitis? ipsi etiam, sacra qui præsepia cingunt,
 Nomen ad hoc proni bos asinusque iacent.
 Nomen ad hoc stabulo spirauit mitior aura:
 Non Aquilo puerum, non fera læsit hiems.
 Mutatos pannos, mutatas sensit aristas,
 Molliaque in cunis stramina facta suis.
 Quid tum, si roseo perfundi membra cruore
 Debuit, & læsus parte carere sui?
 De non inciso nec sudant balsama ligno,
 Myrrha nec integris stillat ab arboribus:

Nec tribui nomen, nisi læso, tale decebat.

O quouis dignum vulnere nomen emi!

Nomen quod myrrham, quod vincat balsama, vincat

De terrâ quidquid diuite mittit Arabs.

Cinnama nomen olens, nardumque: suauius illo

Melle, quod in ceris Attica ponit apes.

Cur aliquis curis animum consumat amaris;

Pressaque tristitiæ pectora mole gerat?

Pro gemitu & mæstis, frustra quibus astra fatigar,

Questibus, hoc illi nomen in ore sonet.

Hoc simul auditur, fugiunt plangitque, dolorque;

Terrores abeunt, sollicitique metus.

Si qua trahit secum suspiria, pascere illis;

Si gemitus, sunt quos eliciisse iuuat.

Nec lacrymæ currunt, nisi fortunatus amantem

Quæis chorus ardores lenit, alique suos.

Ite leues venti, terras hoc ferte per omnes

Nomen, quas lustrat serâ recensque dies,

Per, modò quod plaustris, ratibus modò curritur,
æquor,

Per, propior solis quas rota pingit, aquas.

Auditum Hesperiiis, auditum hoc nomen Eois,

Vrat & Eoos, vrat & Hesperios.

Auditum pelago ventos componat & vndas,

Et ratibus placidum per mare sternat iter.

Inter saxa sonet, quibus ingens Caucasus horret,

Fient Caucaßeis mollia saxa iugis.

Hoc Rhodope niuib, queis semper tecta, sub
altis

Audiat, in riuos sentiet ire nives.

Possit ad hoc catulis tygris miscere raptis:

Possit ad hoc ouibus nolle nocere lupus.

Inscriptum

Inscriptum Libycis hoc deueneret ur arenis,
 Et rabiem ponat torua leæna suam.
 Si sapiſ, hoc incide tuis, Amor auree, tædis :
 Hoc pharetram, hoc arcus, hoc tua tela nota.
 Nulla faces iſtæ non vrent pectora, quamuis
 Vinctæ gelu, quamuis frigidiora meo.
 Durabunt ignes quos hinc ſuccenderis, & quam
 Foueris hoc oleo flamma perennis erit.
 Nec, quàm quæ nomen pro cuſpide præferat iſtud,
 Certior in pharetrâ eſt vlla ſagitta tuâ.
 Idquæ vtinam cupias his explorare medullis;
 Et telum cordi figere tale meo !
 Fige puer, quæſo, nec ſit medicabile vulnus :
 Felix ! ſi mihi tu funeris auctor eris.
 Atque vbi ſupremus iam labris halitus ibit,
 Hoc, facito, veniat nomen in ora mihi.
 Hic mihi deſtituat mortales ſpiritus actus,
 Et longum fidens ingreditur iter.
 Hæc illi ſuperas referabit tellera ſedes :
 Hac ſubeat tutus iudicis ora ſui.

ELEGIA VII.

Ecce Magi ab Oriente venerunt. Matthæi 2.

QUæ procùl aduentat peregrino turba paratu?
 Quod graditur campis agmen, Ephrata,
 tuis ?

Æthiopum agnoſco vultus, illa quæ profectas
 Deterrâ turmas, ſol vehit vnde diem.
 Non tamen infeſtis vrbes populentur vt armis;
 Non vt caſtra locent hoc inimica ſolo.

Virginei partus & nati nuntia Regis

Stella fuit longæ causæque, duxque viæ.

Vt iuuat hâc causâ subiisse pericula, Reges,

Ignotas terras hac petiisse duce !

Vt Solymam repleffe metu, turbasse tyrannum;

Si fureret, nullas pertinuisset minas !

Et nunc auspicio meliore subibitis urbem

Claudentem muris gaudia vestra suis :

Ifacidum quâ Rex, astrique videbitur auctor.

O quanto stellis pulchrior ipse suis !

Cernitis, vt steterit qui cælo præuius ibat

Ignis, & hîc dominum nuntiet esse suum ?

Cui superimmineat rupi ? quæ limina signet ?

Limina regali non adeunda pede.

Hæc, si nescitis, regis quem quæritis aula,

Hæc illi est, cælum cui fuit antè, domus.

Hîc gemit, hîc plorat, tremat hîc malè tectus, & alget :

Hic illi pauper cum sene mater adest.

Bos comes, & vector genitricis asellus eodem

Pabula præsepi, quo iacet ille, petunt.

His fociis, hoc, Heroës, habituque, locoque,

Vos expectat inops donaque vestra puer.

Quis credat ? nihil hîc nutant : animalia, pannos,

Algores audent credere digna Deo.

Succedunt stabulo : sternunt regalia proni

Corpora, quadrupedes quo iacere, solo.

Appendunt sacris diademata regia cunis :

Ad pueri videas sceptrâ iacere pedes.

Iamque nitere auro pudor est, regesque videri :

Pannosâ mallent corpora veste regi.

Inde locum lustrant, oculosque per omnia ducunt :

Quod non mirentur, nil casa pauper habet.

Iam

Iam præsepe stupent, fœniq̃ue rigentis aceruum,
 Signaque quæ pecudum sunt pede facta vident;
 Lumina iam adstantis vultumq̃ue habitumq̃ue pa-
 rentis:

Iam puer hærentes attonitosq̃ue tenet:
 Et tacitè: Quàm non, aiunt, nos stella fefellit!
 Quàm fortunatum carpere iussit iter!
 Duxerit ad parui tegmen nos vile tugurii,
 Aptaque, quæ pecudes; non Deus, antea colat:
 Se tamen hîc prodit, quodque est, cognoscitur esse
 Vel pannos inter pauperiemq̃ue puer.
 Hic puer, hic ille est, cui sol, cui seruit vterque
 Axis; cui terræ, cui famulantur aquæ;
 Ipsis qui dicit, licet infans, iura tyrannis,
 Et tenero regum sub pede colla tenet.
 Hic puer æterni natûs genitoris amorque;
 Nec minùs, ô Virgo, sanguis, amorque tuus.
 Quid tum, si cunas pictum velamen acantho
 Non obit? ornatus pulchrior ipse sibi est.
 Vt blanda est facies! vt lumina dulciter ardent,
 Ætherias animis subiiciuntq̃ue faces!
 Quàm matri similis! quàm non mortalis vtrique
 Forma! tamen plus hîc, quod venereris, habet.
 Et nunc ecce suos ad nos conuerxit ocellos.
 O merces longæ digna labore viæ!
 Sic secum, & fundunt lacrymâs. Hæ prima fue-
 runt;
 Expediunt gazas altera dona suas.
 Dant regale aurum, & lacrymatam cortice myrrham,
 Adiiciunt sacris thura cremanda focis,
 Et super hæc animum: nihil est pretiosius illo;
 Nil regum, quod det, dextera maius habet.

58 G V I L I E L M I B E C A N I

Lætatur puer, & meritos agnoscit honores,
 Et pretium donis, quæ capit, ipse facit.
 Aurum inopi assignat matri, patrique remittit
 Thura, sibi myrrham prensat vtrâque manu;
 Absconditque sinu, gustandinque admouet ori:
 Agnoscit mortis præuia signa suæ.
 Tum dare complexum, regumque hædere lacertis
 Sustinet, & caro matris abesse sinu.
 Qui sensus animi, quæ flammæ, quæ noua surgunt
 Gaudia, dum iungunt os puerile suo?
 Et lubet in patriam, Reges, & Eoa reuerti
 Litora? Sic cælo somnia missa iubent.
 Ite boni, quæ vos Superûm mandata reducant,
 Et quæ præcones vult puer esse suos.
 Mortalemque Deum, visumque in carne referte:
 Este aliis, vobis stella quod antè fuit.
 Felix, hoc stabulo totum qui transigat æuum,
 Figat & æternos hac sibi rupe lares!

E L E G I A · V I I I .

*Venit in spiritu in templum Simeon, &
 cum inducerent puerum Iesum parentes
 eius, &c. & ipse accepit eum in vlnas suas.
 Lucæ 2.*

Ferte faces templo: rutilent altaria flammis:
 Insolito niteat clarior igne dies.
 Ecce sacris sese Virgo penetralibus infert,
 Cui venit & pietas, & decor ipse comes.
 Forma illi, qualem nec præfert candida Phœbe,
 Nec matutinis lucifer ortus equis.

Tam

Tam formosa, tamen magis hoc, quod ad vbera
gestat,

Pignore, quàm specie conspicienda suâ est.

O adyta! ô magni felicia culmina templi!

O fortunatum, quod premit illa, solum!

Tempus ad hoc, quamuis vobis & cedrus & anrum

Materies fuerit, vile fuistis opus.

Iam pretium i venit, primamque nouissima vincit

Gloria: iam nullus dignior orbe locus.

Plaude Sion: tibi quem promitti sæpius audis,

En tandem vindex æthere missus adest.

Inferturque suam Superûm dominator in ædem,

Iam puer, & teneræ iam leue matris onus.

Quò modò deuoti flammis cultroque iuueni?

Quò cruor, & sacris exta cremanda focis?

Mitte greges ouium, nec sentiat hostia ferrum,

Quæ veniente die, quæque cadente cadit.

Sistitur ad sacras agnus diuinior aras,

Hostia supremo dignaque parque Deo.

Infelix, quod non illum cognoscere cures,

Nec, quæ sit mater, quis puer ille, roges!

Rumpe moras Simeon, & quâ sit origine natus,

Quid veniat, quo sit dignus honore, doce.

Accurrit: vires animus facit; altaque templi

Limina iam senio nil remorante subit.

Hic vbi virgineis portari Numen in vlnis

Attonitusque animi, deueneransque vider:

Ergò tuorandem descendens, inquit, Olympo

Venisti populi spesque salusque tui?

Quique prius cælo nos exaudire solebas,

At tua nunc vltro templa domumque venis?

Quin

Magna erit gloria domus istius nouissimæ, plus quàm pri-
mæ. Aggai 2.

60 G V I L I E L M I B E C A N I

Quin etiam mediâ gaudes in plebe latere,
 Et partem turbæ pauperis esse iuuat.
 Rex Superûm, quàm non tibi pristina gloria cordi?
 Maiestas vilis quàm tibi facta tua est?
 Antè pedum fulcro nimis accessisse tuorum
 Crimen erat; populi te modò turba premit.
 Hæc loca visentem, nubes te densa tegebat;
 Est modò visendi copia plena tui.
 Votaque more nouo coràm tractabilis audis,
 Orantûm lacrymis iungis & ipse tuas.
 Qui pennas Cherubim subiectaque terga premebas,
 Virgineo gaudes nunc residere sinu:
 Sic te moliri quiduis, & ad omnia verti
 Cogit amor, similem nec finit esse tui.
 Hactenus. At tradi geminos vt deinde palumbos,
 Quæque solent inopes munera ferre, videt:
 Hæret, &, O nostri generis mundi que redemptor,
 Hæcne, rogat, pretium sunt, puer alme, tui?
 Ah quantò pluris tibi nos constabimus olim,
 Vulnèra erunt nummûm cùm numeranda loco!
 Tum puerum poscit: videt, ardescitque videndo:
 Iungit per longas oscula pressa moras.
 Stringit, &, O, inquit, gelidi senis vltimus ardor,
 Ten', puer, accipio? ten' ego, nate Deo,
 Inualidumq; artus, moribundaq; membragerentem
 Aspicio? manibus sustineoque meis?
 Heu pietas! heu dulcis amor! tantûmne mererî
 Visâ tibi miseri vota precesque senis?
 Certè alacrem, lætumque, ac vitâ cedere promptum
 Dimittis seruum nunc, Pater alme, tuum.
 Atque vrinam (quid enim post hæc optabile restat?)
 Summa dies oculis fulserit ista meis!

Vidi,

Vidi, quam iussæ gentes sperare salutem :

Quod lumen populis præsidiumque pares :
Isacidorum qui surgat honor, quæ gloria plebi :

Uterius, votis non licet ire meis.

Quò, Pater, ingratos extendam longius annos ?

In terris viso lux grauis ipsa Deo.

Mors veniat, dumq; hûc specto, mihi lumina claudat,

Et ferre ad manes nuntia læta sinat :

Mox fore, cùm victis fugiant Acheronta tenebris ,

Et mutant superis tristitia regna locis :

Quod fuerat magno promissum semen Abramo ,

Hos vidisse oculos, has tenuisse manus.

Sic orat, pignusque suæ cæleste parenti.

Reddit, &, En, natum suscipe, mater, ait ;

Dumque licet, gaude. Quantis mæroribus olim ,

Infelix, quantis conficere malis !

Ecce dies veniunt, cùm, ceu spectabile signum ,

Impetet hunc telis impia turba suis.

Quotque petent illum , tot tu feriere sagittis :

Amborum plagæ, quas feret alter, erunt.

Sarcina grata tuis sedeat nunc ille lacertis ,

Pectoribusque premat pectora cara suis.

Quæ nunc ille premit, transibit pectora mucro ,

Inque animum vulnus visceraque ima feret.

Dixerat, & largo rigat ora senilia fletu ,

Et miseræ iam nunc ipse dolore dolet :

Ipse etiam, causâ, dubites, matrisne, suæne ,

Vagitu præfert tristitia signa puer.

Virgo oculos cælo tollens: Pater optime, quæ me ,

Quæ cupies natum ferre, feremus, ait.

Ille tuas tibi nunc offertur paruus ad aras :

In luctus crescat, nil moror, ille meos.

E L E G I A I X.

*Remansit puer Iesus in Ierusalem, & non
cognouerunt parentes eius. Lucæ 2.*

A Nnuā festa vocant: Solymam pete, regia Virgo:
Sit comes affluetæ virque puerque viæ.
Nonne vides, quanto incensus genitoris amore
Gestiat hoc tecum carpere natus iter?
Obsequitur Virgo studio natique, suoque,
Quæque ferant templo munera parua parat.
Sacra litant: sacris repetunt sua testâ litatis.
Ille (quod ignorant) necit in vrbe moras.
Prima parens, sed non nisi cùm nox instat, abesse
Comperit, &, Coniux heu vbi natus? ait.
Ille metu pallet subito: scitatur amicos
Anxius, inque agros prospicit, inque vias.
Et tanquam propè sit, possitque audire vocantem,
Dat signum, quo sint mater & ipse locus.
Iam Fili, iam care puer, iam clamat, Iesu:
Ipsa etiam Iesu, Virgo, venisne? rogat.
Vesper erat: non ad solitæ consortia mensæ,
Non puer obscuræ tempore noctis adest.
Tum verò incusant sese, miscentque querelas:
Alterius luctu crescit utriusque latus.
Et cur, mater ait, sese subduxerit? heu me!
Sollicitor mores ipsa timere meos.
Angor, &, admissæ quamuis non conscia culpæ,
Quod patior, timeo me meruisse pati.
Et nunc ille aliquâ defessus fortè plateâ
In nudo posuit languida niembra solo:

Nec .

Nec stipulæ salrem, quales inuenimus olim,
 Nec puero tectum, nec cibus ullus adest.
 Ah ne illum, qui nunc cadit æthere, noxius humor,
 Ne frigus noctis, duraque lædat humus!
 Ah teneros ne longa fames exhaustiat artus,
 Sistaturque oculos pallidus ante meos!
 Digna quidem non sum, quicum velit ille morari:
 Quam faceret matrem, sed neque digna fui.
 Fallor? an alterius stat nunc exclusus ad ædes,
 Et frustrà, postem laxet ut illa, rogat?
 Pande i fores, dicit, venerunt tempora noctis,
 Cara soror, moto cardine pande fores.
 Iam mihi cincinnos gelidæ tinxere pruina:
 Nocturno plenum iam mihi rore caput.
 Quid faceres hosti, quæ sic excludis amantem?
 Pande, soror, moto cardine pande fores.
 At semel exutas negat illa resumere vestes,
 Nescia diuinis cedere blanditiis.
 Tempora causatur somni, lotosque recenter
 Demens ah metuit commaculare pedes.
 Non sponsæ curat, non blandum nomen amicæ,
 Non quod formosam, quod sine labe vocet.
 Nate, quid ingrata traducis ad ostia noctem?
 Huc ades: hæc pandent se tibi sponte fores.
 Ipsi te postes, ipsum te limen, & ipsæ;
 Ut cupias, orant accelerare seræ.
 Mater amans, & amata tibi, nisi fallitur, orat,
 Et desiderio deficiat ægra tui.

Sic

1 Aperi mihi, soror mea, amica mea, columba mea, immacu-
 lata mea: quia caput meum plenum est rore, & cincinni mei
 guttis noctium. Expoliaui me tunicâ meâ, quomodo in-
 duar illâ? laui pedes meos, quomodo inquinabo illos.
 Cantic. 5.

64 G V I L I E L M I B E C A N I

Sic illa; & meminit, Simeon quæ dixerit olim,
 Et gladius, quo sit confodienda, subit.
 Deque senex gladio fuerit quocumque locutus,
 Accepiam nunc non leue vulnus, ait.
 Nec medicina meo speranda est vlla dolori,
 Qui fecit plagam ni mihi præster opem.
 Nec minùs inuigilat curis, secùmque maritus
 Quærit, quæ puero facta, vel vnde mora.
 Cognatùmne suum nemorum secreta colentem
 Viserit? & soli solus adesse velit?
 An potiùs seductus, ait, regione viarum est,
 Nec potuit turbâ nos prohibente sequi?
 Nam, puto, non alias hinc est abiturus in oras:
 Ostensum populo se volet antè suo.
 Ægyptum fuit ille quidem mihi visus amare,
 Cùm domus hîc nobis perfugiumque fuit;
 Quando sed in patriam iussi sumus inde reuerti,
 Cur rear huc illum velle referre pedem?
 Cælesti minùs est cur suspicer arce receptum,
 Hîc nondum summum quando peregît opus.
 Forsan at Herodes patrias renouauerit iras,
 In se quærentes incideritque manus,
 Quæque pati primis Pater illum noluit annis,
 Forsan adest, quo sint perpetienda, dies.
 An frustra metuo, vanisque timoribus angor,
 Et nondum nobis imminet ille dolor?
 An citò se nobis, & secum quidquid amamus
 Restituet, miseros nec sinet esse diu?
 Sic mæstus mæstâ noctem cum coniuge ducit,
 Affectu vario distrahiturque senex.
 Vt modò deprimitur vento, modò tollitur vnda,
 Iam sperat, iam spes victa timore cadit.

E L E-

ELEGIA X.

Et non inuenientes, regressi sunt in Ierusalem, requirentes eum: & factum est post triduum, inuenerunt illum in templo, sedentem in medio Doctorum. Lucæ 2.

E Heu ! quàm tardæ labuntur amantibus horæ,
 Nec solito tempus creditur ire pede !
 Noctis erat medium ; transactam Virgo putauit,
 Et quæsta est nondum Solis adesse iubar.
 Sol aderat, stellæque dies abscondere cælo
 Cœperat: hesternum rursus initur iter.
 Si quis adhuc dubiâ sub prima crepuscula luce
 Eminus occurrit, Fallor, an, inquit, adest ?
 Scrutatur quæ fixa solum vestigia seruet,
 Et pressam noto pondere quærit humum.
 Nunc hanc nunc oculos partem deflectit ad illam,
 Si qua est in varias secta platea vias.
 Vnaque, seu pastor, siue est conspectus arator,
 Vox est, Ecquis iit ista per arua puer ?
 Vt Solymam ventum est, vicos & compita lustrat,
 Quoque ferat, dubitat, quò referatque pedem.
 Ipso quo properat studio tardatur, & omnem
 Conspergit lacrymis mæsta, notatque locum.
 Hîc, ait, in reditu fuimus: transiimus illac:
 O coniux, nobis huc fuit vsque comes.
 Hîc, ô me miseram! (sed cur quid tale timerem ?)
 Implicitus dextræ desit ire meæ.
 Altera sollicitæ, iamque altera nascitur Eos,
 Incertas quòd non cesset obire vias.

E

Res

Res noua, confertâ populis sic vrbe vagari.
 Quid faciat? cedit victus amore pudor.
 Progreditur: nunc hos, nunc flens interrogat illos:
 Describit, quales præferat ore notas.
 Tali, inquit, facie est, qualé (nisi quod modò nostram
 Deformat luctus) cernitis esse mihi.
 Alter in alterius dignosci possumus ore:
 Squalor abest illi; cetera matris habet.
 Quæ mihi continuo turgent modò lumina fletu,
 Illi sidereo pulchrius igne micant.
 Funduntur flauî per lactea colla capilli:
 Multa affusa labris gratia, multagenis.
 Quale ebur asperso dilutum murice, qualis
 Si rosa lacte natet, talis in ore color.
 Quò caput obuertit, nitet illic purior aër:
 Quos videt, his castus leniter afflat amor.
 Cultus adest simplex, amethystina vestis ad imos,
 Nostrâ texta manu, defluit vsque pedes.
 Ista patent cunctis; nos plura videmus in illo:
 Plus aliquid formâ, quo capiamur, habet.
 At modò nos puero lux tertia conspicit orbos.
 Ah! vt conficerer, plus satis vna fuit.
 Vos ego per matris (vocem suspirat ad illam,
 Appositaque premit pectora mota manu)
 Vos ego per matris nomen, Solymitides, oro,
 Dicite si vobis visus in vrbe fuit?
 Illum ego vel mediâ Galilæi Regis in aulâ
 Non timeam læuos inter adire duces.
 Ad Romana meos prætoria si quis amoris
 Vidit, Romanis inferar agminibus.
 Nil agit infelix, frustra queriturque, rogaturque;
 Augetur dolor hinc, vnde requirit opem.

Conuersura

Conuersura preces aliò, questuraque cælo,
 Ad templum, miseros quo Deus audit, adit.
 O rerum facies! hîc en, hîc illa cupitos
 Ah nimium vultus, oraque cara videt.
 Hîc sedet in mediâ populique senumque coronâ,
 Darque sui specimen non puerile puer.
 Iam, veluti dubitans, interrogat ille peritos:
 Responsis turbam iam tenet ipse suis.
 Seu sua depromat, seu Vatum oracula pandat,
 Pendere à pueri non pudet ore senes.
 Vnde, rogant, istis sapientia talis in annis?
 Atque aliquis, Felix quæ tibi mater, ait.
 Felix quæ talem gestauit ad vbera natum!
 Viuat, sitque diu pignore lata suo.
 Dixerat. Ille palàm matrem confessus honore,
 Complexum turbâ conspiciente petit:
 Solaturque ægram, luctumque in gaudia vertit,
 Vtque ita quæsitum se iuuet esse, facit.





GVILIELMI
B E C A N I
E SOCIETATE IESV
ELEGIARVM
LIBER SECVNDVS.
AVSTRIACA.



IVSTINIANO TRIEST, EQVITI,

DOMINO DE RVDDERSHOVE,
LOVENDEGHEM , BELLEGHEM,
OVERACKER, LAETHEM, &c.



ERILLVSTRIS VIR,

Quæ aliquando mandante te composita sunt, amant modò sub tuo nomine poëmata prodire.

Accipe iussis

Carmina cœpta tuis.

Renouabunt tibi memoriam illius temporis, quo Ferdinandus Hispaniarum Infans Gandauum triumphabundus aduênit. Quis ille dies fuit? qui apparatus? qui splendor operum? quæ lætitiæ

E 4

&

& gratulationis signa? suavior & auctor tu fuisti. Tibi potissimum debet, quam tum Gandauensis ciuitas laudem meruit. Summum Magistratum gerebas, nec poteras quo in Regem animo esses, in eius fratre non ostendere. Gubernatores patriæ excepisti sæpius; Ferdinandum tantò magnificentius, quantò dignitate ceteris antecelluit. Quæ eò facerent, præterquam quòd magnanimitas tua tibi suggereret, didiceras iam olim, cùm varias Regum aulas regionesque iuuenis lustrasti. Aliò Regis tui Legatos comitatus es: Romam anno sæculari M. DC. religio te traxit. Reliquam inde ætatem sic egisti, ut non tam tuus, quam patriæ & Reipublicæ fueris. Anno M. DC. XIII. fossæ Gandauo Brugas ducendæ præfectus es. adeò iam tum perspecta fuit prudentia tua. Spectatores operis Albertum & Isabellam Belgij Principes habuisti; Marchionem Spinolam, Comitem Buquoyum,
D. Lu-

D. Ludouicum Velasquium in arce tuâ
 Louendeghemiâ etiam hospites, om-
 nes solertiæ tuæ laudatores. De aliis
 muniis quid dicam? quoties, quamque
 præclarè Gandauensi Magistratui præ-
 fueris, non ciues modò testes sunt, sed
 & opera molesque quâ ad ornamentum
 ciuitatis, quâ ad munimentum excita-
 tæ. Honorem illum tuum in Reipublicæ
 commoda vertisti. Belli subsidia cùm
 liberaliter semper curares, sic fuisti in
 Regem obsequiosus, vt populo onero-
 sus non fieres: sic religiosas familias ege-
 nosque ciues subleuasti, vt alios non
 grauaris. Non tu Reipublicæ incubuisti,
 sed illa tibi. De statu Flandriæ, de peri-
 culis, de subueniendi modo Duces exer-
 citus, Moderatoresque Belgij tam op-
 portunè sapienterque monuisti, vt eo
 nomine & illi multum tibi detulerint,
 & patria etiamnum obstricta sit. Viues
 illis meritis, neque mori te virtutes tuæ
 sinent. Sed & immortalitate istâ mortu-

lis quodammodò frueris. Quibus annis alij decrepiti sunt, robustus es & valens. Octogenarius defectum ætatis non sentis : corpori vegeto & erecto ad plura quotidie passuum millia pedibus conficienda vires supersunt : animus sic comparatus est, ut iam vel maximè eluceat in te Tullianum istud: Mens, ratio, consilium in senibus viget. Utinam, quod menti illi probetur, aliquid ego adferam ! non tamen adeò versus meos, quàm studium, quo illos tuo nomini inscripsi, velim tibi placere.



ELE-

ELEGIA I.
CAROLI V. IMPERATORIS
APVD GANDAVENSES NATI
GENETHLIACON.
AD VRBEM GANDAVVM.

*Cùm eam Ferdinandus Hispaniarum Infans
triumphali pompâ ingressus, proavi sui me-
moriam renouaret.*



ANDA faue : da thura focis : da
munera templis,

Qualia nec victis hostibus antè
soles.

Iam bello partos superas in pace
triumphos,

Teque aliquid, quamuis maxima, maius habes.

Quem maria & terræ, quem mox sibi regia cæli

Vindicet, ille tuâ nascitur vrbe puer.

Æra sonent : latè festiuo splendeat æther

Ignè : fremant plausu lætitiæque viæ.

Ducantur ludò noctes, agitetque iuuentus

Lætâ choros : quemquam sit doluisse nefas.

Vicini colles, vicinæ assurgite siluæ :

Scaldi, iube fluctus purius ire tuos.

At tu vitales almi sub luminis oras

Editæ, spes hominum, Carole, cura Dei,

Accipe qui rerum successus & ordo tuarum :

Præscribant vitæ quæna tibi fata modum.

Quas

76 GUILIELMI BECANI

Quas nec nouerunt alij, moderabere terras :

Surget in imperio noxque diesque tuo.

Augebis virtute tuâ, quod auita parauit.

Auspiciis crescent regna paterna tuis.

Et proauis tu multa licet, tibi plura nepotes

Debebunt, per te quicaput orbis erunt.

Ecce tibi iam nunc extremæ munera gentes,

Obsequiique sui pignora certa ferunt :

Et dominas flexo veneratæ poplite cunas

Aspectu certant se satiare tuo.

Fallor ? an excelsio Iouis armiger ales Olympo

Hæsurum angustis fert diadema comis ?

Suscipe dona Dei, populisque assuesce regendis :

Vel teneras poterunt scepra decere manus.

Scepra quidē tibi mox; sed erunt simul arma gerenda.

Gallia tranquillos non sinet ire dies.

Bella, puer, video, crudelia surgere bella,

Et coniuratos in tua fata duces.

At tu ne terrere minis. Dant bella triumphis

Materiam. Gaudet sanguine nomen emi.

Rex animis armisque ferox in prælia surget,

Et tibi, Pelidæ quod fuit Hector, erit.

Ecce per aërios rapit arduus agmina montes,

Nec timet Alpinas primus inire niues.

Iam tenet Italiam, turmasque laceffit Iberas.

Quid facis ? inuictas gens habet illa manus.

Stant acies: dant signa tubæ: concurritur. Eheu !

Ticini quantum sanguinis vnda vehet!

Miscentur cædes: perimuntque, caduntque vicissim:

Sed tamen indomitus fortius instat Iber.

Inter vtrumque diu volitat victoria: tandem

Austriacas Aquilas notaque signa petit.

Maxima

Maxima quæſita eſt : maior modò gloria reſtat.
 Poſt hoſtes, animum, Carole, vince tuum.
 Et bellum, & belli victoria finiat iram.
 Vindiſta eſt regi pulchra, fuiſſe pium.
 Proſpera Mars ſponder: ſed ad arma venire coaſtum,
 Amplecti pacis fœdera ſponte decet.
 Pax placet. Exhausti bellis gaudete coloni;
 Atque oleæ lætas cingite fronde comas.
 Innocuo gladium miles commutet aratro:
 Occupet in tenebris tela cruenta ſitus.
 Quid loquor? impietas irâ comitata doloque
 Inſidias alias & noua bella parat.
 Carole, quid ſperas in tempora longa quietem?
 Hoſtis adeſt: turmas ad ſua ſigna voca.
 Ecce rebellatrix Germania cornua tollit,
 Et domini ſumit in caput arma ſui.
 Sed non & ſumpſiſſe volet. dabit improba pœnas.
 Nemo in te poterit perfidus eſſe diu.
 Parce tamen, poſito ſi quando furore, ſceluſque
 Faſſa, tuos ſupplex concidat ante pedes.
 Vincere multorum; proprium non perdere victos
 Sit tibi: proximior gloria nulla Deo eſt.
 Fulminat ille quidem; ſed paucos fulmina lædunt:
 Contenta eſt ſolo Numinis ira metu.
 Sed tamen interdum nocet & clementia. Multis
 Ferri acies, multis attulit ignis opem.
 Tu quoque ne nulli ſis implacabilis: hoſtem
 Crede tuum, quiſquis Relligionis erit.
 Relligio paſſis ad te miſeranda capillis
 Confugit. heu quantis fluctuat illa malis!
 Et tamen, Odryſio quæ ſeruit terra tyranno,
 Pacem habet, & felix impietate ſua eſt,

Et

Et veteres clades, & nostri probra recenset
 Nominis, & magnum ridet inulta Deum.
 Vade age, damnatis infer pia gentibus arma
 Bistonios vltra Sarmaticosque sinus.
 Hic odia, æternasque gere implacabilis iras :
 Hac causâ pulchrum crede piumque mori.
 Sospite te, Scythicas paueat Germania Lunas ?
 Austriaco rutilent Turcica signa solo ?
 Sospite te, infames populentur littora classes
 Itala ? sint populis æquora clausa tuis ?
 Auertant Superi. Vertes hoc omen in hostes,
 Captaque cum dominis barbara rostra trahes.
 Per medias acies, Libycas penetrabis in vrbes ;
 Accedet titulis Africa terra tuis.
 Fallor ? an Ismariis video stare agmina campis,
 Byzantique arces, inœniaque alta quati ?
 Me miserum ! cur hoc aliquis nostro inuidet æuo ?
 Successusque tuos propria damna putat ?
 Quisquis is est, precor vt ne sit sine vindice, quæque
 Hostibus inferri nō sinit, ipse ferat.
 Nectamen impediet quin vltra solis & anni
 Notum iter extremo des noua iura mari :
 Herculeasque vltra metas, Bacchi que labores
 Austriacum nomen imperiumque feras :
 Dum laudis famæque satur, moderamina rerum,
 Sceptraque deponas, sufficiasque tibi.
 Tum te sublimem titulos super atque trophæa
 Ad cælum niteis Gloria tollere quis.
 In tua certantes ibunt præconia vates.
 Hei mihi, nil magnum quod mea Musa sonet !
 Non maiora tamen laudum monumenta tuarum ;
 Quàm benefacta tuæ posteritatis erunt.

Ergo ,

Ergò, vbi de summo terras spectabis Olympo,
 Quæque animis fuerant regna minora tuis,
 Aspicias illic dignos te patre Philippos,
 Quorum vita salus duplicis orbis erit.
 Aspicias Carolos, æternaque Ferdinandos
 Nomina, in Austriacum nomina nata decus.
 Quorum aliquis proauum Belgis vt reddat, & æuum
 Olim restituat per tua facta tuum,
 Annue cum reliquis de cælo, Carole, Diuis.
 • Post tua sic etiam fata superstes eris.

ELEGIA II. AD BELGICAM.

*De Serenissimi Ferdinandi Gubernatoris illi
 destinati ex Hispaniâ in Italiam nauiga-
 tione.*

IRe parat dubias Fernandus classe per vndas;
 Vota fer ad magnum Belgica ritè Deum.
 Te propter, regnata suis maioribus arua,
 Te propter, fratrem deserit ille suum:
 Cumque aliter nequeas, quàm quâ finit æquor,
 adiri,
 Æquoris incertas sustinet ire vias.
 Scilicet hîc aliquid ventis debere necesse est:
 Virtutis totum, quod superabit, erit.
 Sed malè (me miserum!) ventis, malè fiditur vndis.
 Oceano constans non solet esse fides.
 His tamen ille suam credet nostramque salutem,
 Spesque per incertas tanta feretur aquas?

Et

Et tota à fragili pendebit Belgica ligno ;
 Et tantùm felix, si volet Auster, erit ?
 O vtinam Diuis soluat ratis illa secundis,
 Sentiat & magni, quem vehat, vnda maris,
 Et commissa sibi populorum vota duorum
 Deferat ad portus, Ausoni terra, tuos !
 O vtinam venti veniant in vela ferentes,
 Et faciant celere remus & aura viam !
 Quæque regunt nautas, numquam fulgere sereno
 Sidera deficiant officiosa polo !
 Tyndarei fratres, formosæ pignora Ledaë,
 Præcipuè vobis conuenit illud opus.
 Nam quod tu cælo Pollux cum Castore, terris
 Hoc cum fratre, ratis quem vehit illa, suo est.
 Qui fuit in vobis, vinclo qui vestra perenni
 Iunxit, & illorum pectora iungit amor.
 Vos immortales fecerunt fata, nec illos
 Gloria permittet posteritasque mori.
 Vos iubare & radiis genitor circumdedit aureis,
 Hos genus illustres, & sua vita facit.
 Sidus sollicitis vos estis amabile nautis,
 Gratius hic populo sidus vterque suo.
 Denique quâ Virtus olim vos duxit, eâdem
 Hos quoque, sed serò, ducet in astra viâ.
 Vos igitur, cui se nunc horum credidit alter,
 Ne finite in mediis puppis vt erret aquis.
 Audior ? an totus tenebris inuoluitur aër ?
 Nox fugat atra diem: nubibus astra latent :
 Insurgunt venti: tolluntur in æthera fluctus :
 Exitium tumidæ triste minantur aquæ.
 Hoc Superi prohibete nefas, Hispania quotquot,
 Et non auersos Belgica quotquot habet ;

Et

Et seruatorum populos seruate, nec vnum
 Fluctibus his perdi credite posse caput.
 Belgica naufragium puppi patietur in illâ :
 Hei mihi ! si frustrâ tot modò vota facit.
 Hei mihi ! si vestras frustrâ procumbit ad aras,
 Et spargit lacrymis omnia templa suis ;
 Si veniâ nondum digna est vestroque fauore ,
 Imperio dignam quam putat ille suo.
 Nequidquam timeo. Redeunt sua sidera cælo,
 Et rabiem Boreas ponit, & vnda suam.
 Incolumes terram propè iam tenere carinæ;
 Iam portum è summâ nauita puppe videt.
 Felicem terram, quæ gaudia debita Belgis,
 Præcipiet, felix, quod premet ille, solum.

ELEGIA III.

AD SERENISSIMVM FERDINANDVM.

*De morâ ei in Italiâ iniectâ & alpinum
 transmissione.*

RVmpe moras , Fernandè : manus tibi Belgica
 tendit ,
 Tam tibi, tam fratri Belgica cara tito :
 Et (quamuis Moncada nihil sinit esse timendum)
 Nescio quo sine te fluctuat illa metu,
 Et plus à tanto (quamuis nihil ille reliquit
 Armis quod potuit consilioque geri)
 Plus tamen, vt par est, à tanto Principe sperat.
 Est aliquid, summâ ducere stirpe genus.
 Nec minus infelix sibi te Germania poscit,
 Indiget auxilijs nec minùs illa tuis.

82 G V I L I E L M I B E C A N Y

Te vocat assiduus, ô Princeps, vtraque votis
 Dinumerat lentos vtraque mœsta dies.
 Vtraque cùm vocat hæc, cur te tener Italia tellus ?
 Cur magis illius vota precesque valent ?
 Cur regio felix damno manet vna duarum,
 Plus iusto nostris perfruiturque bonis ?
 Iam certè discessit hiems ; iam frigore pulso
 Apra viatori tempora veris eunt :
 Iam tibi miles adest summo Duce dignus, Iberis
 Et iunxit turmas terra Latina suas.
 Eia age, rumpe moras ; populis nec ferre salutem ,
 Nec dubita laudes accelerare tuas.
 Quid loquor ? obsistit nobis natura ; voluntas
 Nec sua Fernandum, sed graue tardat iter.
 Quoque minùs veniat, tangentes vertice cælum
 Impediunt Alpes, impediuntque niues.
 Hoc est, infidi quod post discrimina ponti ;
 Post dubios timuit Belgica sæpè Notos.
 Sed frustra timuit. Nam quod natura negauit,
 Hoc illi virtus iam sua pandet iter.
 Nempe datur forti quouis penetrare : nec vlla
 Inuia virtuti difficilisque via est.
 Quis teneat volucrem, ne tendat in æthera, flammam ?
 Quis faciat nimbis fulminibusque moram ?
 Quis clausum cæcis veter expirare cauernis ,
 Et cælo Boream liberiore frui ?
 Quis, virtus obices nequeat quos vincere, ponat ?
 Semper vel reperit, vel facit illa viam.
 Hac duce Fernandus per montes nubibus æquos ,
 Incola quos tuto vix subit ipse pede,
 Per rigidas cautes & inhospita saxa, geluque
 Obsita perpetuo per loca carpit iter,

Hac

Hac duce præcípites contemnit rupium hiatus,
 Nec timet abruptas per iuga summa vias.
 Et quò consuetas pasci per saxa capellas
 Vix ageret pastor, hîc sua castra locat.
 Scilicet ad magnos sic tendimus, inquit, honores :
 Ad famam mollis non solet esse via.
 Principis exemplo miles non segnior instat ;
 Et pudor est tardè, quò præit ille, sequi.
 Ante alios festinat Iber, fortemque probare
 Iam tum præcipuè se studet ille Duci ;
 Et mediis dum pendet adhuc in rupibus agmen,
 Iam tum pugnandi tempus adesse capir.
 Iamque animos, iamque arma parat, iam concipit
 iras,
 Iam spondet palmas exuuiasque sibi :
 Et quasi vicinum conuitia iactat in hostem,
 Nec, nisi cunctari ne velit ille, timet.
 Gaudete ô Tyhij, Feriæ gaudete sepulti,
 Qui vestras clades expiet, ultor adest.

ELEGIA IV.

DE

VICTORIA AD NORTLINGAM.

Obtentâ à Serenissimis Ferdinando IV. Hungaria-Rege, & Ferdinando Hisp. Infante.

P Laudite iô populi, patriæ quos cura Deique
 Tangit, & antiquæ religionis honor.
 Plaudite, fortunam qui vestram ducitis esse,
 Austriacæ Numen quam volet esse Domus.

84 GUILIELMI BECANI

Et tu flere tuos (quamuis iam sæpè coacta
 Cæsare sub tali non patienda pati).
 Desine flere tuos tandem Germania casus :
 Desine fatorum de gravitate queri ;
 Tristibus ut passim tua videris oppida flammis ,
 Sanctæque cum signis templa flagrare suis ,
 Cuius exhaustas vrbes, cultoribus agros,
 Pingua de domini sanguine prata sui ,
 Deletasque acies, totisque cadauera campis
 Sparsa, cruentato non benè recta solo.
 Germanas aquilas hosti cecidisse pudendo ,
 Vincere consuetos vincla tulisse duces,
 In mare Danubium currus voluisse virosque ,
 Purpureas Rheni sæpè fuisse vias ,
 Et quæ, quàm dici possent maiora, tulisti,
 Desine funestis ingeminare modis.
 Iam facies rerum versa est: iam cœpit Olympo
 Candida depulsis nubibus ire, dies.
 Pristina sors rediit: versisque in prospera factis
 Vltio sumpta tuis dignæque parque malis.
 Succubuit tandem, qui pridem debuit, hostis ;
 Quæ meruit belli præmia, casus habet.
 Funeribus complet, modò quos vastauerat, agros ,
 Quæ segetes vetuit crescere, mordet humum.
 Sparsa manu sæuâ miseris incendia villis
 Restituit riuo sanguinis ipse sui.
 Gratiâ magna Deo : vetuit Deus ipse manere
 In sibi sacrato signa inimica solo :
 Indignasque neces, terrisque illata suorum
 Iussit ad auctores damna redire suos.
 Emendare suam voluit non perdere gentem ,
 Et pietate minor, ut solet, ira fuit.

Proxima

Proxima virtuti debetur gratia vestræ,
 O animis similes nominibusque Duces,
 O consanguinei duo fulmina Ferdinandi,
 Vestrum est, post Numen, quod iacet hostis, opus.
 Per vos parata salus : quidquid Mars pluribus annis
 Peccauit, per vos reddidit vna dies.
 Annorum clades per vos lux vna rependit,
 Reddit & amissum quidquid vbique fuit.
 Quæ prius intulerat, quæ mox inferre parabar,
 Turpiter hæc hostis cogitur ipse pati.
 Spes vbi nunc, Vimare, tuæ, vocesque, minæque ?
 Illa vbi Cæsareæ certa ruina domus ?
 Si nescis, domus hæc humanis altius ortum
 Traxit, & è cælis, vnde perennet, habet.
 Inuidiæ scopulus, sed vertice sidera tangens,
 Quem rabidi frustra verberet aura Noti.
 Hæc domus, vt duris truncata bipennibus ilex,
 A damnis animum ducit opesque suis.
 Hac daret euersâ Germanis altera leges ?
 Se populus domino subderet ille nouo ?
 Imperij sacras regeret peregrinus habenas ?
 Austriacâ gereret sceptta gerenda manu ?
 Demens, illa tibi quando spondere tuisque
 Ausus es, hos aleret cùm domus ista duces,
 Quorum hic auspiciis fraternis, ille paternis,
 Inuictusque animis esset vterque suis,
 Fauere, vt cæca est, tibi fors hucusque, virûmque ?
 Mars dederit letho millia multa tuus :
 Austriadæ sed non ipsos impune laceßas :
 Nil vetus hic miles, nil ferus ensis agat.
 Austriadæ solo non certant milite : causam,
 Et Superos secum, fataque stirpis habent.

Et tamen his etiam pugnam temerarius offers,
 Primus signa moues, primus in arma tuus ?
 Audeat in sanos vltro sic præda leones,
 Audeat in rabidos ire voranda lupos.
 Arma, parum refert, quod non per lustra tulere,
 Attrito canum nec caput ære tegant,
 Sinescis, animis non annis bella geruntur.
 Virtus, non ætas ferre trophæa solet.
 Utque suos hostes numquam non vincere possint,
 Austriacis robur contigit ante diem.
 Quod vobis vsus, prudentia contulit illis,
 Ingeniumque annis maius vtrique suis :
 Quod vobis fortuna, hoc illis fata Deusque,
 Hoc stirpi virtus ingenerata dedit.

E L E G I A V.

A D P H I L I P P V M I V.

De missa in Belgicam Ferdinando.

V Ora valent igitur, nec inexorabilis vmquam
 Est Deus, aut frustra nos⁴ sinit esse pios.
 Quæ negat, ipse tibi nolis concessa: rogando
 Persta, quamque roges, vberiora feres.
 Vberiora tulit nunc certè Belgica, habetque
 Cur non auditas gaudeat antè preces.
 Non quia nunc vrbes, quas perdidit antè, recepit;
 Alterius donum temporis illud erit :
 Nec quia depositis, quod adhuc non expedit, armis
 Dulcia securæ tempora pacis eunt;

Tunc

Tunc erit hoc, cùm se, quod iam reor esse propinquũ,

Subdiderit domino pars inimica suo :

Sed quia, quod multis meritò plus esse triumphis

Ducit, habet fratrem, magne Philippe, tuum.

Dumque habet hunc, ipsum te, Rex, se pænè tenere

Credit; & vt credat, moribus ille facit.

Tam similis virtute tibi est, quàm tu ipse parenti

Imperio minor est, cetera fratris habet.

Ergo Deum sibi iam fauisse fatetur abundè,

Et te, post magnum, quem colit illa, Deum ;

Et, quamuis animo nil non sperabat ab illo ,

Iam tamen optatis plura tulisse suis.

Scilicet ingentem cùm plurima Regna per orbem

Imperio & curâ sunt moderanda tuâ,

Te, quod iure potest, tellus sibi seruat libera;

Nos tibi, post illam, proxima cura sumus.

Illa quidem seruat, multos & seruet in annos,

Quo nullum speret maius habere caput ?

Sed, quo non illi propiùs vel sanguine possit,

Vel virtute dari, Belgica nostra tenet.

Vos igitur nobis, quorum defensa labore,

Emptraque sæpè fuit sanguine nostra salus,

Vos precor, ô magni nobis faueatis Iberi,

Et Belgas vobis dicite pænè pares.

Namque vbi, qui cunctis satis esset gentibus vnus,

Vni se genti plus satis esse videt,

Iam bonâ nobiscum diuisit vestra Philippus :

Vos Regem, fratrem Belgica Regis habet.

Et tamen hic aliquis (veniam da patriâ, luctum

Si renouem, & prodam dedecus ipse tuum)

Et tamen hic aliquis dominum non fidus in illum

Vixit ? posteritas ne precor adde fidem.

88. G. VILIELMI BECANI

Quæ tamen hic fecit, si perſananda Philippus
 Vulnere germanum miſit ad illa ſuum,
 Iraſci ſi dum potuit, miſereſcere Princeps
 Maluit, offenſæ nec meminiffe ſuæ;
 Qui fuit, inuiſtas qui prodidit hoſtibus vrbes,
 Vtiliter nobis perfidus ille fuit.
 Ergo tibi, per quem nobis ſic eſſe beatis
 Contigit (ô Belgæ ſpeſque ſaluſque tui!)
 Numina tam faueant (quid enim niſi vota queamus
 Reddere?) quàm nobis ipſe Philippe faues;
 Et, quàm longa tibi petimus, dent tempora, princeps
 Vt noſter poſſis eſſe, paterque diu,
 Atque vbi, quos terræ debes, impleueris annos,
 Teque tuos inter cernet Olympus auos;
 Tum tuus, in laudes natus qui ſurgit auitas,
 Indole cognoſci qui tuus eſſe poteſt,
 Per tua, perque tui fratris te facta ſequatur,
 Et ſedeat ſolio non minor ipſe tuo:
 Sceptraque cum totidem, quot tu, geſtauerit annis,
 Per ſimiles dexteras poſteritatis eant,
 Cetera cumque Deus conceſſerit omnia, fratres
 Tam claros habeat, quàm pater antè ſuus.



ELEGIA VI.

GANDAVENSIS VRBIS,

IN ADVENTV SERENISSIMI
FERDINANDI GRATVLATIO.

CHRONICON.

Ergo Venisti, MihiqVe exPeCtata tVeri
Ora DatVr?

ERgo venisti, mihiqve expectata tueri
 Promissi toties Principis ora datur?
 Dexter ades Fernande; fauet tibi terra polusque,
 Et Deus aduentu dat bona signa tuo.
 Ecce nitet puro diffusum lumine cælum,
 Cumqve tuo vultu conuenit ipsa dies.
 Tuqve quod in terris, hoc præstat in æthere Titan:
 Tu tenebras animis discutis, ille polo.
 Ecce tibi Pariz surgunt ad sidera moles,
 Aspicias laudes in quibus ipse tuas.
 In quibus armorum videas monumenta tuorum,
 Atque animi pariter pignora certa mei.
 Ecce tibi festis collucent compita flammis,
 Lætitiæ signis non caret vlla domus.
 Suntqve mei ciues, quod, cùm duxere triumphum,
 Credibile est turmas antè fuisse tuas.
 Esse suum dicunt te post mala multa leuamen,
 Extendiqve orant iam sua fata senes:
 Et, tua quos spatii tangit propioribus ætas,
 Non sibi, maiores quæ subiere, timent.

Atque aliquis Tyrio cùm te conspexit in ostro,
 Phœbus ut in Cynthi dicitur ire iugis;
 Qualis, ait, facies! quàm tanto Principe digna est!
 Quàm placidæ speciem signaque mentis habet!
 At bona mox alius quæ sunt maiora recenset,
 Quæ carpat nullus diminuatque dies:
 Quòd tibi, cùm titulis tam sis generosus auitis,
 Non tamen est virtus nobilitate minor:
 Quòd decus ipse tuis addas natalibus, & quòd
 Par animus generi est, par animoque genus.
 Nortlingæ pugnam tum narrat; iterque fuisse,
 Quæ foret alterius gloria summa, tuum.
 Excipiunt illum plausu fremituque sequentes,
 Quisque tuas laudes spes putat esse suas.
 Ipse tuus, tanto qui iam sessore superbit,
 Plausibus attonitus sæpè resistit equus.
 Tu, precor, interea totam circumspice turbam;
 Quaque venis, gaude vix reperire viam:
 Et placeat quòd quisque cupit tibi proximus ire,
 Et studium populi iudiciumque nota.
 Cumque sat è vultu fuerit mens cognita, dicas:
 Cui tam sum carus, hic mihi carus erit.
 Tum subeas arcem, quâ nusquam forsitan esse
 Hospitiis possit dignior vlla tuis.
 Carolus hîc primùm, quem nunc tenet, æthera vidit;
 Hæc domus, hæc illi terra paterna fuit.
 His cœpit reptare locis, tectoque sub illo
 Augustus tenero vagiit ore puer.
 Tu quoque lætus in hos, Princeps, succede penates,
 Auctorem generis & venerare tui.
 Quodque illi natale solum est, tueare, velisque
 Me partem curæ, quod facis, esse tuæ.

ELEGIA VII.

Austriacam potentiam religione erga venerabilem Eucharistiam, unde orta est, niti.

Mortale est quodcumque vides. Rapiunt omnia
tempus.

Ipsâ, quâ steterant, grandia mole ruunt.
Pyramides vbi nunc? etiam periere ruinae.

Mausolea sibi facta sepulchra iacent.

Templa vbi quæ quondam Romana potentia cælo
Æquauit? Diuis incubuere suis.

Vtque domus, & busta, & celsa palatia Regum,

Ipsa etiam fato regna premente cadunt.

Post Troiæ exitium strauit brevis hora Mycenæ.

Romanae famam iam pudet historiae.

Quam citò trans Gangem Macedo sua victor & Indum,

Vltra quod nihil est, ad mare signa tulit?

Quam citò Achæmeniis superata Perside Suis

Iura dedit? Bactris imposuitque iugum?

At citius tanti, quam parata est, gloria regni

Occidit, & domini fata secuta sui est.

Sic placitum Superis. Brevis est humana potestas,

Et Reges vno stantque caduntque die.

Ne metuas similem, mundi decus, Austria casum.

Auspicio terras tu meliore regis.

Quod dedit his fortuna, tulit. Tua sceptrâ, Tonantis

Munera sunt. Etiam cura Tonantis erunt.

Hunc tibi religio fructum pietasque rependit,

Et quæ delicias continet arâ tuas.

Ergò

92 G V I L I E L M I B E C A N I

Ergò subiectum tibi dum circumspicis orbem,
 Quaque cadit Titan, quaque resurgit aquis:
 Dum titulos, palmasque, & gentes mille subactas,
 Et tua trans Gangem fixa trophæa vides:
 Ne tibi suspectum tantis sit culmen honoris,
 Nec faciant, lapsi qui periere, metum.
 Nec, licet ingentem minitentur summa ruinam,
 Sideribus dubites inseruisse caput.
 Vt terram excedas, vt te super æthera virtus
 Euehat, hoc fulcro gloria tuta tua est.
 At neque, ne mundis impar sis vna duobus,
 Curarumque graui mole premare, time.
 Grande quidem, & maius mortali robore pondus,
 Quod tibi tot gentes imposuere, geris:
 At præstò est, additque suo de corpore vires,
 Supponitque oneri se Deus ipse tuo.
 Herculeis humeris dum calum & sidera fessus
 Fulsit Atlas, Diutim regia tuta fuit.
 Tu quid formides, quando, qui sustinet orbem,
 Te, molemque tui sustinet imperij.
 Insurgant populi, certent armisque, dolisque,
 Et fas, omne tibi quod nocet, esse putent:
 Dum tua cum causâ coniuncta est causa Tonantis,
 Vinces: ille tuis hostibus hostis erit.



E L E.

ELEGIA VIII.

AD CLAVDIVM
COMITEM DE COLLALTO
ET S. SALVATORE.

*Dum Ferdinando. IV. Augustissimi Caesaris
Ferdinandi III. filio suas de iure Maieſta-
tis, &c. Theſes Louanij dedicaret an-
no M. DC. XLV.*

Tantum igitur bellis ſeſe Germanica tollat
Nobilitas? quærat ſola per arma decus?
Ingenio vires præſtent, ſapienſque feroci
Concedat? laudis ſit genus eſſe rudem?
Nec niſi ſanguineæ ſit pulchra ſcientia pugnæ,
Nec placeat niſi quæ palma cruore madet?
Ah miſeri! quibus ad famam per buſta ſuorum,
Per clades iter eſt, patria cara, tuas.
Sed tamen hoc potiùs, quàm miſceat omnia victor,
Inſultetque tuis hoſtis ouetque malis.
Viderit Auguſtas Aquilas Germania pelli,
Atque inimica ſuo ſtare trophæa ſolo,
Imperij ſpoliis peregrina impunè fruuntur
Agmina, nec pubes omnis ad arma ruat?
Arma citi ferte arma, vocat Cæſarque cadentique
Patria. Pro patriâ dulce piumque mori.
Tuque adeò, ſi te genuit, Collalte, Vienna,
Hoſtis quam circum jam ſua ſigna tulit,

Arma

Arma tui, atque animū, atque iras, atque omnia Patris
Affer, & Austriaci nominis ultor ades.

Quid loquor? an solis domus Austria dimicat armis?

His tantūm Cæsar nititur esse potens?

Hoc agar, hunc referat malè strenuus alter honorem:

Sic bellum, quo vel vincere turpe, gerat.

Austriacis proprius causâ superare triumphus,

Primum, iustitiam non violasse, decus:

Non hoc imminuunt clades. Sors cetera versat;

Nec semper causâ pro meliore facit.

Sic & qui domui putat huic seruire decorum,

Iustitiam primū fasque piumque colat.

Cura vel in bellis est illis maxima legum:

Sequitur dominos hac quoque parte suos.

Nec tam quid gladius possit roburque furorque,

Quam quid iura sinant, quid caueantque, sciat.

Quid bene pugnando vincas, quod iure tueri

Non possis? ineunt sic sua bella feræ.

Contemnes meliùs, quod honestat causa, periculum,

Iustaquæ quæ noris, fortiùs arma geres.

Huc curas, Collalte, tuas, pulchrosque labores

Et tantâ dignos nobilitate refers:

Huc spectant artes, animum quibus excolis, & te

Venturis titulis muneribusque paras.

Sola fremant annis alij iuuenilibus arma;

Et discant quo sint bella gerenda modo;

Quid sibi deponat Maiestas Cæsaris, hostis

Quid violet, primus sit tibi scire labor.

Fortis erat genitor: tu laudibus adde paternis

Non solâ palmam posse referre manu.

Sic famæ captes primordia: bella deinde

Pro domino restent si peragenda tuo,

Si

Si te vel Cæsar, vel natus Cæsaris olim
 Ad sua deposcat iura tuenda ducem,
 Tum bellatorem sit cura referre parentem,
 Mantua, vel qualis, dum caperetur, erat;
 Vel qualis medios per cædes actus in hostes,
 Corpora fulmineo strata premebat equo.
 Est tibi non impar patrio, nec laudibus istis
 Spiritus, est qui pro Cæsare sanguis eat.
 Nec timor est, ne non venias instructus ad armæ;
 Sint licet à studiis nunc aliena tuis.
 Cognatæ tibi sunt ab origine militis artes;
 Quodque aliis vsus, hoc tibi stemma dedit.
 Quis, genus heroum, longo quos ordine censes
 Collatos, belli fulmina, nescit auos;
 Seu Veneris (multa his Veneti felicia debent
 Prælia) Cæsaribus seu placuere Duces?
 At modò pugnatum satis est, satis ensis & ira
 Peccarunt. Quæ non sanguine fluxit humus?
 Pax redeat. Pacem viduatæ ciuibus vrbes,
 Et magnâ tenuis oppida parte cinis,
 Cornibus & fractis Rhænus, totiesque cruentas
 In mare Danubius voluere fessus aquas,
 Ipse adeò pacem saturatus cladibus optat
 Miles, & inuitâ sustinet arma manu;
 Militibus, Reges, populoque fauere precanti.
 Publica nec careant pondere vota suo.
 Eueniet. Quid tunc artes Collalte eruentas
 Proderit, & sæuum noscere Martis opus?
 Quis tuum poscentis certamina militis vsus,
 Pars etiam quem nunc optima damnat, erit?
 At tibi, qui studiis animum quoque mitibus ornas;
 Nec facere ad laudem sola sat arma putas;

Et

Et vigilatorum pretium tum grande laborum,

Et benè de populis quod merearis, erit,

Dum quibus in terris per bella ferociit, & iam,

Quod priùs iniustè plebs tulit, ipsa facit,

Tu veteres iterùm mores, legesque reduces,

Et quæ curasti discere, iura dabis.

Vrbibus atque iterùm ciues, & ciuibus vrbes

Restitues, quæ nunc procubuerunt solo.

Sic tibi, quam miles non speret, gloria surget,

Et melior, quàm qui sanguine constat, honor :

Utque voluptatis populo sancita per orbem

Fœdera, materies sic tibi laudis erunt.

Macte animis: hoc ipse vouet tibi Cæsar, & olim

(Si tua, si quidquam publica vota valent.)

Augustæ cui fata domus, virtusque paternos

Cum meritis titulos, imperiumque parant.



ELEGIA IX.

A D

LEOPOLDVM GVILIELMVM,
ARCHIDVCEM AVSTRIÆ, &c.

*Dum templi, quod Deipara immaculatè conce-
pta Societas Iesu Lonanij exstruit, per Comi-
sem Isenburgicum primum lapidem poneret.*

*Vnâ manu faciebat opus, & alterâ tenebat
gladium. 2. Esdræ 4.*

Q Visquis adest, fauceat. Nonâ conditur omnis
fausto

Cælicolûm Domine, Cælicolisque domus.

Ferre viâ lapidem, subeat qui ritè paratam

A magno positus Principe primus humum.

O lapis, auspiciis alios præitute secundis,

Excipiat facili te bona terra sinu!

A te surgit opus, cui religionis amantes

Inioctas torres indoltere moras.

Vnde nouum Gradiâ pietas expectet in vrbe

Momentum rebus præsidiumque suis.

Fortunate lapis, quamuis nec hoc frueris,

Nec medio illustis conspiciere tholo:

Hanc tamen intideant tibi cetera marmora sortem,

Exoptentque tuo delituisse loco.

Ipsi de cælo Diui, dum poneris, adsum,

Ethereæ Michaël gloria militæ,

G

Es

Et multo Quintinus adhuc à vulnere pulcher,
 Cuius laurus obit sanguine sparsa caput,
 Et sibi deuoti cui maxima cura Louanî
 Petrus, & hac templum quisquis in vrbe tenet.
 Gaudent, & talis nisi, te qui poneret, esset,
 Certaret manibus ponere quisque suis.
 Tu tamen ante alios, Grudiis cultissima semper,
 Dignaque maiori semper honore coli,
 Adsis ô! studiique tuo cum nomine nostri
 Huic lapidi inscriptas aspice, Virgo, notas.
 Quodque tuo iunctum nomen legis, id quoque reddi
 Clarum pro meritis perpetuumque velis.
 Viuat, cumque tuâ Leopoldi gloria crescat,
 Seu pax sit, seu, quod non cupit, arma gerat.
 Austriacos decoret fastos vtrasque per artes,
 Nec præstet titulis inferiora suis.
 An pietate prior fuerit, quærat, an armis:
 Sed pietas palmam religioque ferat.
 Vtque places illi, placeat sic omnibus ille,
 Et sit, ut est noster, posteritatis amor.
 Quique suo metas in te non ponit amor,
 Auxilij finem nesciat ille tui.
 Quantò tu maior, tantò maiora repende:
 Cum tibi præstiterit plurima, plura ferat.
 Viribus ille hostem; tu vince fauoribus illum,
 Materiam studiis suppeditesque nouis.
 Quæ tibi fundandis promptè deseruiit aris,
 Sit felix, hosti nec toleranda manus.
 Hoc primùm. Tum conatus bona prouehe nostros,
 Et pia præsentis numine cæpta foue.
 Sunt tibi sintque, precor, terris delubra Brabantis
 Plurima, vix aliâ quot regione vides.

Si tamen hoc primū est, Gratiā quod in vrbe dicandū
 Sit tibi, non nihil hoc, Virgo, valere velis.
 Sufficias animos: ne desint cetera cures:
 Quodque tibi surgit, fac, citò surgat opus.

ELEGIA X.

A D

DIVVM LEOPOLDVM
AVSTRIACVM.

*Dum annum eius festum Leopoldus Guiliel-
 mus Archidux Austria Bruxellis celebraret
 anno M. DC. III. XVII. Kal. Decemb.*

Festa dies rediit. Belgæ tibi sacra paramus:
 Dexter ades sacris, ô Leopoldé, tuis.
 Austria centenis tua nunctibi supplicat aris:
 Hunc sibi seu proprium vindicat illa diem.
 Tota tibi est hodie: laudes tibi, vota que soluit,
 Suspenditque tuis munera multa tholis.
 Austria, pace tuâ, nostra huius pars bona festi est,
 Atque aliquid, tibi quo Belgica cetter, habet.
 Quem prece sollicitas, est & cur inuocet illa,
 Quem colis, est & cur non minùs illa colat.
 Olim tu fueras Leopoldo Principe felix:
 Heredem tanti nominis illa tener.
 Qui quod habet nomen, virtutibus ornat iisdem,
 Per quas deliciae tunc erat ille tuæ.
 Tu fueras illius amor, tu maxima cura:
 Et nos huius amor, primaque cura sumus.

100 GVILIELMI BECANI

Ille tibi recti datus est moderator & æqui :

Et nobis hic est, quod fuit ille tibi.

Pro te susceptos sua credidit ille labores

Commoda: pro nobis hunc vigilare iuuat.

Vt tibi prodesset, nil non tulit ille, suasque ,

Queis tu gaudebas, esse putabat opes :

Huic quoque iucundum est, quodcumque est vtile
nobis ,

Hic quoque præponit commoda nostra suis.

Tu statuas Diui, & Diutim veneraris in illis,

Artificis finxit quas tibi docta manus :

Verior illius nobis obuënit imago :

Vinit apud Belgas, tu quod in ære vides.

Et tibi quam credis nunc illuxisse beatam ,

Non felix nobis fulserit illa dies?

Tu cui solemnēs soluis, non soluat honores

Belgica? cui tua fers, non sua vota ferat?

Dentur thura focis: peragat pia sacra sacerdos.

Quisquis ades, purâ concipe mente preces.

Et pete, donati calo quam seruat, amatque

Principis effigiem, seruet, ametque diu.

Gaudeat & longum, quo gaudet, præside re-
rum,

Et pet quem sperat plurima, plura ferat.

Felicem videat felix, faustumque redire

Sentiat hunc illi sæpè, sibi que diem,

Fallor? an adiungit nostris sua vota? sui que

Quod poscunt ipsi, poscit & ipse suis.

Exaudi, si digna petit, tantique clientis

Esse vera vanas, ô Leopolde, preces.

Ipsi commissis oriantur tempora Belgis,

Per te quæ populis acta fuere tuis.

Aurea

Aurea te dicunt illis regnante fuisse
 Sæcula. Felices, qui mernere frui !
 Ardebat sæuis, vt nunc, Germania bellis ;
 Sanguineis ibant Rhenus & Albis aquis.
 Austria tuta fuit. Prostrauerat omnia Maurors :
 Auspicijs stabat Principis illa sui.
 Pax erat. O vtinam per te nos illa reuisat,
 Solamen longis vna futura malis !
 Vtque tibi est similis, qui Belgæ flectit habenas,
 Sic simili simus conditione tuis.
 Si licet, & tandem Superum placauimus iras,
 Pax veniat: nullo restet ab hoste timor.
 Alter secessit, secedat & alter ab armis,
 Tristia quæ nobis, nec sibi læta gerit.
 Inter se Eumenides pugnent, & Erinnyes atræ:
 Fœdera nos iungant, & socialis amor.
 Ille quidem nobis dux est, quo sospite nullis
 Cedit, quantumuis Belgica pressa malis.
 Huic animi, viresque, huic sunt, quibus arma repellat,
 Arma: sed inuita sustinet illa manu.
 Pacis amat, quamuis belli sit factus ad artes :
 Hinc mauult famam nominis ire sui.
 Altera non tanti, quæcumque est, esse videtur,
 Vt benè tot damnis gloria possit emi.
 Augustus sanguis, Diuum genus, Optime Princeps,
 A cuius pendet nostra salute salus,
 Sic tibi contingant, quanti debentur, honores :
 Sic in longa tuum sæcula nomen eari:
 Austriacos tua sic illustret gloria fastos,
 Vt tibi, quâ debet, quæritur illa viâ.
 Ah miseri, quibus arma placet sic ferre, triumphis
 Vt possint ipsis illacrymare sui !

Qui ciues, hostem possint vt perdere, perdunt,
 Et lucrum per non damna minora petunt.
 Consule tu meliùs nobis, nullumque tuorum
 Pulchrius esse tibi crede salute decus.
 Hinc tibi, seu cògant hostes contendere bello,
 Hinc tibi, seu pactâ pace, triumphus eat.
 Sic illi, cuius tu reddis amabile nomen,
 Et per te Belgæ gens cui cara sumus,
 Sic tua te iungat virtus, sed serò, Parenti,
 Et Superos adeas, quâ præiere, viâ.

Ad maiorem Dei gloriam.



